


浙江通志

有九十四

萬賢上下



漢書門			
一三五二	九〇	一四	一〇
號	函	架	冊
類			

內閣文庫	
漢書	二三五二
類	一〇
架	一四
冊	九〇
函	一三五二
號	一〇
類	一四

內閣文庫	
番號	漢 2352
冊數	120 ()
函號	202 48



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



勅修浙江通志卷一百九十四

寓賢

上

淺草文庫

春秋紀寓公之文遷史著客卿之號非曰借才異地亦以仰止高賢也兩浙夙擅通都人稱樂土或稅駕而遊或授塵而處迹與名留地因人重其流風餘韻雖千百載下穆然猶可髣髴云志寓賢

杭州府

晉

郭文

晉書本傳字文舉河內軹人也少愛山水尚嘉遯

年十三每遊山林彌旬忘返父母終服畢不娶辭家游名山入吳興餘杭大滌山中倚木於樹苔覆其上而居焉亦無壁障時猛獸為暴入屋害人而文獨



宿十餘年卒無害餘杭令顧颺造之攜與俱歸颺以
文山行或須皮衣贈以韋袴裙一具文不納辭歸山
中王導聞其名遣人迎之既至置之西園園中果木
成林又有鳥獸麋鹿於是朝士咸共觀之文頽然箕
踞旁若無人居導圍七年未嘗出入一旦
忽求還山導不聽逃歸臨安結廬山中

南北朝

徐儀

陳書本傳東海郊人陵第三子少聰警以周易生
舉高第為祕書郎出為烏傷令頑明初遷尚書殿

中郎尋兼東宮學士陳
亡隱於錢塘之赭山

徐孝克

陳書本傳陵第三弟也少為周易生有口辨能
談元理既長徧通五經博覽史籍梁太清初起

家為太學博士性至孝侯景亂京邑大饑孝克養母
餽粥不能給難髮為沙門乞食以充給焉後東遊居
錢塘之佳義里與諸僧討論釋典遂通三論每日二
時且講佛經晚講禮傳道俗受業者數百人天嘉中
除刻令非
其好也

唐

丁飛

咸淳臨安志字翰之濟陽人請老莊書居錢唐
泓洞蓄妻子事耕稼如常人夜半山靜取琴彈弄

少睡寡言與人相接禮簡情至未嘗有罷倦之色又
不見有所服餌或問之曰治心修身之外復有何物

張祐

畿輔通志字承吉貝州清河人稱張公子性高曠
工詩雲溪友議祐初與徐凝同赴白拾易杭州求

解白試之以凝居首次祐祐
不服因太息歸自此罷舉

謹按祐今多誤作祐祐有子望虔為冬瓜堰官祐
自言冬瓜合出瓠子事見太平廣記此名祐之證

宋

潘閔

兩浙名賢錄字道遙太谷人寓居錢塘通易詩春
秋尤以詩知名所交游皆一時豪俊曹彬奏為四

門助
致

徐復

宋史本傳字復之建州人初游京師舉進士不中
退而學易通流行卦氣自筮知無祿遂無進取意

游學從浙間他日聽其鄉人林洪範說詩且言詩之
所以用於樂者忽若有得因以聲氣求之遂悟大樂
於七音十二律清濁次序及鐘磬後弁匏竹高下制
度皆洞達范仲淹過潤州見復問曰今以衍卦占之
四匪無變異乎復冠西方當用兵推其日月後無少
差慶曆初與布衣郭京俱召見命為大理評事因以
差辭賜號冲晦處士後居杭州十數年而卒西湖
游覽志復居杭州萬松嶺與林逋並稱二處士云

晁補之

宋史本傳字無咎濟州鉅野人父端友工於詩
補之聰敏強記纔解事即善屬文十七歲從父
官杭州見山川風物之麗著七述以謁州通判蘇軾
軾先欲有所賦讀之歎曰吾可以閣筆矣由是知名
舉進士拜國子編修實錄檢討
官還家葺歸來園號歸來子

洪皓

宋史本傳字光弼番陽人少有奇節登政和進士
為秀州司錄大水皓白郡守發廩以糶浙東綱米
過城下自守邀留之守不可皓曰願以一身易十萬
人命人感之切骨號洪佛子建炎三年擢徽猷閣待
制為大金通問使至雲中黏罕迫使仕劉豫皓曰萬
里銜命不得奉兩宮南歸恨力不能磔逆豫忍事之

耶黏罕怒將殺之旁一會曰忠臣也為之請得流遷
冷山二帝居五國城皓密遣人奏書聞佑陵計北脅
泣血旦夕臨金主聞其名欲以為翰林學士皓力辭
未幾金大赦許使人還鄉皓與張邵朱弁並遣還留
北中凡十五年忠義之名聞於天下既見秦檜語曰
張和公金人所憚乃不得用錢塘暫居而景靈宮太
廟極土木之華豈非示無中原意乎檜不懌出知饒
州尋責濠州團練副使安置英州居九年始復朝奉
郎從袁州至南雄卒帝聞嗟惜之復徽猷閣學士諡
忠宣皓久在北庭不堪其苦然為金人所敬博學強
記有文集五十卷熈寧事實紹興十三年皓全節歸
朝見內殿求還鄉里母年已八十忠不忘君雖蘓武不
能過也澄可舍朕法第
於錢塘之葛嶺命也

楊由義

寧志備考字宜之家世湖封建炎初由義父以
軍前正將扈駕南渡未幾寇入杭由義奉母避
地鹽官寇踵至母妹俱以節死由義抵杭其父適以
督運自富陽還父子大勸為母妹成葬禮遂家於鹽
官由義幼時頗從事學問久之遂與潛薦丰度俊偉
詞翰典麗館於賢士大夫之門者凡二十年晦菴朱

子亦其弟子也。使全營帥強之拜。由義曰：「本朝見宰相無拜禮，此勝詎易屈。」帥怒，械繫月餘，守節益堅。竟完壁歸。孝宗嘉歎，遷太府卿兼刑部侍郎，卒於鹽官。

周輝 兩浙名賢錄。字昭禮，海人。紹熙間居錢塘，清波門之南。嗜學，工文，隱身不仕。當世名公卿多折節下之，而簡亢自高，未嘗報謝。藏書萬卷。

父子自相師友。撰清波雜志十二卷。

宋斌 萬曆杭州府志。字文叔，袁州人。少從黃榦、李燾登朱熹之門，學禁方嚴，羈旅困沮，年且八十矣。臨安尹趙與權延之事，以父行奏乞用旌禮布衣故事，不報。卒葬西湖，與權歲一祭焉。私謚淳固先生。

施岳 湖山勝槩。字仲山，吳人。僑居武林，能詞，精於律呂。

梁棟 胡迺梁隆吉詩集序。字隆吉，共先湘州人。父安道，寓鄂州。棟生於鄂，弱冠登第，初選寶應簿，尋調錢塘。仁和尉，一時聲名藉甚。入元，居武林，守道安貧澹，如也。平居吟咏，稿無存者。門人問曰：「先生何故不存稿？」答曰：「如吾詩堪傳人，將有腹稿在。」

虞集 四川通志。仁壽人。汲之子。西湖遊覽志。字伯生，少不偶，寓居錢塘。元詩選傳集從草廬吳澄游。大德初，薦授大都路儒學教授。累遷奎章閣侍書學士，修經世大典，進侍講學士。至治大曆間，宗廟朝廷之典冊，公卿大夫之碑版，咸出其手。粹然成一家言。門人訂其在朝應制歸田，方外諸稿，釐為五十卷，曰道園學古。

元

楊載 元史本傳。字仲弘，其先居建之浦城，後徙杭。因為杭人。少孤，博涉羣書，為文有跌宕氣。以布衣召為國史院編修官，延祐初，以科目取士，載首應詔登進。一歲再召，載以疾辭。林邱寧國路總管府推官。初，吳興趙孟頫在翰林，得載所為文，極推重之。由是名動京師。凡所撰述，人多傳誦之。西湖遊覽志載與虞伯生、揭曼碩、范德機、齊名。世稱虞揚范揭云。

鮮于樞 西湖遊覽志。漁陽郡人。為江浙行省都事，因居杭。風流文雅，善歌詩，尤工書。名在吳興、趙文敏、

伯仲開遷太常簿致仕

陳柏

不數年散盡嘗為侍儀舍人館閣諸老莫不稱其行與交其妻鐵太保女也恃富貴近戚偶以一言驕之遂終身不見嘗被命鑄祭器於杭無錫倪元鎮慕其名求見之張燕湖山間羅設甚至酒終為別以帖饋米百石柏舉巨觥顧倪曰吾在京即熟爾名云江南士清無與比其所以章章者以米沽之也請從今日絕其氣節如此

張翥

兩浙名賢錄字仲舉晉寧人父為吏從征江南調安仁尉又為杭州鈔庫使因家焉翥少豪放不羈好蹴踘走馬不以家業屑意父憂之一旦改業閉門讀書因受業於李存又從仇遠學以詩文名一時累官翰林學士承旨所著有蛻菴集忠義集

劉汶

劉濩兩浙名賢錄汶字師魯鄆王六世孫占籍錢塘以文章淑後進德行學術與劉濩齊名濩字聲之莆田人占籍於杭與師魯俱以文行為一時寓賢之首

繆倫

輟耕錄字叔彝東平人侍父宦游錢塘至正十一年淮兵寇城執其父將殺之倫哀號乞免弗聽倫家貴以贖又弗聽乃自縛請代於是殺倫而釋其父

龍廣寒

輟耕錄江西人寓居錢塘拔預知之術游湖海間咸推為異人又行服氣導引之法常佩小龜十數於身至晚仍解餌之事母至孝六月一日母生辰方舉觴為壽忽見北牕下梅花一枝盛開遂稱之日孝梅贈詩者甚多至治初卒年百有八歲童顏綠髮云

貫雲石

兩湖塵談阿里海涯之孫父名貫只哥因以貫為氏名小雲石酸齋其號也有文武才折節讀書為古文峭厲有法詩歌古樂府慷慨激烈士大夫樂從之游少用父法為隱戶府達魯花赤乃讓與其弟後以文行薦為翰林侍講學士知制誥既又辭疾還江南詭姓名易服色賣藥錢塘市中人無有識之者七修類稿雲石臨終作辭世詩云洞花幽草結良緣破我瞞他四十年今日不留生死相海天明一殿圖詞在自草二妾名也批山樓雲石其藏修之所

物類彙編卷一百九十四寓賢上

薩都刺 兩浙名賢錄字天錫雁門人寓居武林博雅工

杖對孤筇脚踏雙不借走兩山間比深巖遂徑人跡

所不到者無不窮其幽勝至得意處輒席草坐徘徊

終日不能去與至則發為詩歌以品題之今兩山冬

有遺墨而西湖十景詞尤膾炙人口後莫知所終元

詩選傳天錫勝官闕憲往還吳越其過嘉興越

臺懷古題爛柯山石橋諸律真能別開生面

鄒世闡 杭州府志字聞遠登州黃縣人襲授百戶戊海

者世闡切齒罵不絕口元亡不食而死寧志備考世

聞管理鹽竈有德於寧後遂屏居映石其妻李氏亦

以知 禮聞

郭彥澤 萬曆杭州府志河南人少有氣節高自稱許有

稱齊下 葛先生者神於醫盡以其術授之避地武林自

貢師泰 傳詳名宦寧志備考師泰為戶部尚書轉運南

北會流上 寧志備考留海寧寓湖塘村宋錢家

肅胡奎皆其友也 所居里曰小桃源

邱克莊 始豐類稿廣陵人至正壬寅大北江浙行省克

志果初在廣陵時天下承平一時貴游子弟日事娛

樂克莊家故饒於費獨從師友窮經史以問學為事

及廣陵被兵一時謀人策士乘機遇合以取富貴願

乃入庠序訓生徒取所入以自給可謂士之卓然自

立者

易貞 徐一夔澤存室記字廷幹本荊州人幼從父母避

地來浙遂家焉貞天資粹美行甚謹飭選抗學弟

子員出入學校非特不為嬉戲微逐之事亦未始見

其笑語胡怒巨醫恒寡有不怡之色人問之則曰

貞之從親至浙也日漸長大冀有所成立以養父母

今幸父病瘳而吾母竟棄不肖孤而去欲報無地

焚焚在坎恒積大戴記至母歿而柩掩不能飲只澤

之氣存焉潸然出涕爰就母飲食起居之處顏之曰

達西皇

西湖游覽志元左丞相魯曾孫占籍錢塘工文
宏洪武初選補杭州府學生年十八陳時政得失太
祖悅之試秋柳賦稱旨吏部奏奉年少賜歸亭業尋
以鄉貢歷教松江宏子端舉進士官刑

張昱

西江志字光弼廬陵人少從虞伯生得詩法揚完
以禮徵之不屈明太祖召至京師問其老曰可閒矣
厚賜遣還因自號可閒老人七修類稿張昱任浙省
員外郎元末政壞遂棄官不仕居西湖以詩酒自娛
號一笑居士嘗曰吾死埋骨西湖題曰詩人張員外
墓足矣後果如其言海昌胡虛白作詩弔之云二仙
坊裏張員外頭白相逢只論詩今日過門君不見小
樓春雨燕歸遲西子湖頭碧草春天留山水葬詩人
老通泉下應相見為說梅花寫得真二仙坊在梳之
壽安坊即今之花市也西湖游覽志昱罷官賦居室
已散友人凌彥神募緣以葺之疏云昌黎寄玉川子
首相洛城破屋之數間東坡題綠筠軒終北揚州總
擾之十萬一笑居士詩名優於張籍生計劣於陶潛

明

何得舉

嘉靖海寧縣志晉江人洪武初登進士第任海
善致政還卜居於
卷終焉墓在西門

鄧林

廣東通志字
教論素嗜學
史漢韓柳學書於
士奇祭酒李時勉留史館修書尋出教南昌被薦選
吏部主事宣德四年以事請杭州士
人多從之游所著有退菴集傳於世

史鑑

獻徵錄字明古吳江人為人志正而直言雍而厲
於書無所不讀而尤熟於史好着古衣冠或履揮

力參斤工且示
卷之九十四
寓賢上

塵望之者以為神仙嘗與劉僉憲
沈石田游寓武林所至為文寄之

薛侃 兩浙名賢錄字尚謙揭陽人操行醇固嘉靖間成
進士官行人司司正素慕餘姚王陽明學遂出其

門精思力踐以勇銳見稱徙家於杭築天眞精舍詞
以祀陽明時與同志講學其中且為戒於後曰此講

學公所後世王氏薛
氏子孫世世無所預

張叔維 西州合語虞山人畫宗董北苑吳仲圭游跡多
在西湖自號西泠寓客故烟巒出沒善得吳越

諸山之神詩才清逸尤工七言絕句程孟陽數稱之
為人孤介自守苟非意氣所合雖王公貴人黃金白

璧視焉去之以所伴青山賣人即分散貧
或或買舟去酒伴湖山間不留一錢

宋益 號海翁道郡新河人其先世治農饒於
山藏號海翁道郡新河人其先世治農饒於

遊遊至吳會久寓錢塘以詩以酒以
人而相得晚依其兒子拱於天鵝池之石

祝 冠歸 湖山之勝卜居西湖

莫叔 初詩集傳字不長別人住居武林好為詩
思險詰務出入行不經道貧困益甚游燕齊

及楚友弄於武林自號不
之表曰明詩人莫公遠之

錢可久 江南通志字思長相城人詩十後逸字道潤
自言與杭州西湖物以交駕舟千里訪之扣

危高歌旁若無人
時推為風雅之冠

國朝

吳紹昌 舊浙江通志字有聲歙縣人寓錢塘性孝友與
弟紹達相愛賦性嚴重有故人子來謁請不拜

床下紹昌責之曰吾若父友也命之拜而後見之平
生立然諾重朋友同里有負人百金迫除夕且死紹

昌急以金授之曰金易耳何
自輕若是好行其義類如此

王猷定

浙江通志字十一別號軫石南昌人善古文
奮又如崩崖懸崖何盤礴旁枝得隙突然
干霄或問德本何然蒼骨老氣終不可沒

林嗣環

浙江通志字號藏崖福建晉江人登進
士官學司博學善屬文流寓西泠

汪之萼

浙江通志字含章歙人弱冠時母閱遘危疾
許其業歸以進母霍然愈視羣從兄弟如同懷周其
有無緩急尤以古人相勉勵不從則閉戶自責嘗語
諸子曰以惠及人而期報是交為市也聞西泠山水
名勝未錢塘結廬南屏之麓榜曰壑菴父母卒遂葬
焉墓廬墓不復歸
未幾亦卒葬於此

趙吉士

兩浙鹽法志字天羽號恒夫休寧人寄籍仁和
中順治辛卯舉人知山西交城縣地僻而山險
踞其中吉士申明保甲剛練之法奉檄進剿
行四十里裂士卒於水泉難進前山
趙吉士

通水道概田十萬餘頃治邑五載修學宮立義
罰贖令種柳於清源文水間延袤四十里夾道
民號趙公柳陞戶部郎權關揚州釐革積弊商民感
悅任滿監督京倉充會典纂修官編輯鹽漕二書旋
遷戶科給事中奉

命勘河道凡地形水勢堤岸閘口條晰無遺以註誤降
誥國子監學正寓居武門西名其園曰寄園以著
述終老所著有奏疏序論書記十二卷交山平寇四
卷音韻正詁四卷詩詞共數十卷年七十九卒子景
從濟寧遊景行丁卯舉人中書孫繼林已丑進士

戴大受

錢塘縣志字與可號華琳休寧人寄籍錢塘博
學強記經史百家無不覽究而尤切於窮理盡
性之學自少至老每十年輒成一編其已刻行世者
曰世寶錄醒心錄蓄德錄皆集古嘉言懿行條分而
品節之多與人為
善之意年九十卒

嘉興府

漢

施延 海鹽文獻志字君予沛國斬人少明五經旁通星官風角家貧常任作由拳半路亭食其力以養母人不識也山陰馮敷為吳郡督郵過亭延持帚往敷望而知其賢者下車謝之推食解衣與之錢不受順帝初徵拜侍郎位至太尉

宋

錢顛 宋史本傳字安道無錫人初為寧海軍節度推官當官而行無所容撓以全部員外郎為殿中侍御史襄行二年而貶白衢徙秀州家貧母老至旬貸親舊以給朝哺而怡然無謫官之色蘇軾遺以詩有烏府先生鐵作肝之句世因目為鐵肝御史

李曾伯 宋史本傳字長蘆單懷人後居嘉興至元嘉禾分漕節七開大圖宣徽發編人下儒而知兵有雅量所至得將士心遠人聞風敬釋有可齋類穉行世歷觀文殿學士贈少保開府儀同三司

王昇

至元嘉禾志字遠老本京師人草聖奇偉和開破召入御書補右學士高宗幸嚴寓居崇德

羔羊時上相神翰墨近臣有言其能者召對賜札以書王香奩賞官至正使

朱敦儒

宋史本傳字希真河南人紹興二年賜進士出身為秘書省正字至元嘉禾志敦儒天資曠達以詞章擅名高宗南渡寓嘉禾喜為樵歌有讀書堂在天慶觀之已

木楹

正德崇德志字濟之嘉禾人建炎登第授崇德令秩滿民不聽去楹亦於市以定居終左

朝諫大夫

謹按至元嘉禾志楹作盈未詳孰是

張子修

弘治嘉興府志字德夫開封人建炎間以父蔭任石門市酒務稅關其地饒沃遂占籍焉尋

撰知施州秩滿陞副總管平生酷愛花木未及引年乞歸石門年八十乃終

趙善應

萬曆嘉興府志字彥遠漢王元佐之孫建炎間與其父申國避地崇德之洲錢遂家焉善應性

勅修新江通志

卷之九 寓賢上

純孝嘗刺血和藥愈母疾母畏雷輒走護之寒夜歸
悲擊門驚母露坐達旦官江西兵馬都監每四方水
旱驚報輒不食同官燕會嘖蹙曰
此豈為樂時耶尤哀稱為古君子

姜處恭 葉適姜處恭墓誌字安禮潤州長山人曾祖筠
避亂於台州臨海祖仲田簽書南康軍討李成

而孤大母父母皆散死他州不能葬君營衣食治墳
墓收拾諸櫬見星出入後得聚葬於武康上陌巖山
既而頗買田治屋調卹窮乏雖不以科目自達而懲
渡江凋落之後奮寒士單薄之習積無
室有以立家室教二子輝卻皆成進士

時檄 正德崇德志字傳之其先彭城大族建炎三年上
崇德簿因家焉父紹孫嘗知雷州兄宗道與東坡

同年進士相厚善坡詩有贈時同年者是也坡請
表竭囊中以贖人高其義檄歷汀州通判知和州居
官廉正惠愛移知州有識鑒長女既適于湖張李
詳以次女妻也本英元忠元忠尚居約以非偶
妻

陸竣 高李詩繫字子高高郵人建炎初與兄墳徙
登紹熙元年進士歷秘書郎倅和州議散武官

諸州遂安備濠州時寇猖獗竣開示大信以收人
散卒聞竣至受屨者數千乃悉簡為勁兵改知和州
養士厲俗修倉浚隄免歸有益齋集兩浙
名賢錄葬縣北六里漫塘劉宰誌其墓

顏復 舊浙江通志字太初復聖裔歷官禮部尚書建
炎南渡家石門鎮北子孫自為村落號陋巷村

李正民 江南通志揚州人政和二年進士中詞學兼茂
科構李詩繫字方叔官朝奉大夫徽猷閣待制

提舉洞霄宮紹興中寓海鹽善屬文邑
中碑記多出其手子直登進為海鹽人

張公秀 正德崇德志字仲實英人從石林葉左丞遊風
流清雅詞翰尤妙紹興初丞崇德遂居邑郊扁

其居曰
漁簑

輔達 兩浙名賢錄趙州人寓居崇德乾道間為後軍統
制孝宗欲處以邊郡問其能勝任否曰當以家法

治之又問何法曰子視軍民愛惜財賦遂除知泰州
語察案曰吾目不識字手不能書但心能燭理耳能

聽訟耳郡
中果大治

蔡材

正德崇德志仙遊人倅平江貧不能歸借屋語溪
因占籍焉子熙令孝感稱爲廉平識者占其後必
昌熙卒於官子四開關闢合詞以同居誓極前皆
以儒業授學者銖積無私藁及貴顯扁堂曰怡終身
不變世以孝
友推其門

趙汝愚

至元嘉禾志字子直鄱陽人孝宗乾道間魁多
士寓崇德之洲錢官至丞相追封福王諡忠定

王明清

至元嘉禾志字仲言汝陰人橋李詩繫明清甫
十歲朱希真徐敦立過其父所詢以國史中數
事應之無遺由是受知慶元間居甥館於嘉禾官至
朝散郎與其父雪溪兄仲信俱有史才當時諸公欲
收置史館不果嘗剴切上封事是時南渡以來簡冊
散亡者成周謝明清哀集軼事遺聞編爲揮塵錄及
玉照

新志

焦炳炎

甬海名賢錄字濟甫宜州人寓居嘉興舉進士
第三理宗朝爲諫官論奏累數百章時宰士括

田議遠近駭然炳炎痛疏其害面奏懇測涕淚俱下
上爲動容然未有寢命炳炎論愈力時宰語人曰
生非攻括田實攻我也炳炎聞之不爲變必執
而後已尋除太常少卿疏辭以右文殿修撰致仕

李鳴復

宋史本傳字成叔瀘州人嘉定二年進士萬曆
秀水縣志寓居嘉興之東門理宗朝拜參知政

事後爲福建安撫使予
祠子公夬公晉皆典郡

謹按萬曆秀水縣志誤作李
鳴字復山今據宋史改正

王用亨

構李詩繫字子安自開封徙居崇德淳熙間舉
進士授丹陽尉嗜學手抄口誦至忘寢食試宏

博科分教襄陽以根柢之學表率士類嘗
作二記曰不貪不欺此其行已之實也

謹按正德崇德縣志
作王用亨未詳孰是

岳珂

橋李詩繫字肅之彰德人飛季子霖之子嘉定間
守嘉興有惠政後家郡治西北金陀坊痛其祖武
穆爲秦檜所陷作顯天辨誣錄等書總名曰金
陀粹編官至寶謨閣學士封鄴侯有玉楮集

董健

獻徵錄 汴人仕至武功大夫扈從南渡家於海鹽之澈浦其後曰仲真者遷海寧之錢山澈浦世隸軍籍其子源當往戍弟雲請代之遂復家澈浦

陳垿

福建通志 字子奕侯官人襄之曾孫至元嘉禾志 豐寓居崇德以清節稱官至資政殿大學士諡清毅有讀通鑑隨筆藏於家

洪芹

兩浙名賢錄 尚書僕射适之曾孫以祖蔭入官登進士第歷官將作少監屬詞臣無當上意慨然思得天下士丞相程元鳳言當今地望無踰洪芹者進兼翰林直秘書少監權禮部侍郎中書舍人兵興詔書所至聞者奮激蓋芹所草也遷禮部侍郎帝銳意嚮用而以論去寓居嘉興怡然自適咸淳初起知寧

府國

元

顧阿瑛

殷奎顧阿瑛墓志 名德輝字仲瑛崑山人幼警敏善記誦以意氣自豪年三十始折節讀書崇

禮文儒喜購古書名畫秘玩鑒賞無虛日

於舊宅西偏名曰玉山佳處日與客酌酒賦詩

又萃友人名作知張嘉李孝光楊維禎張伯雨而下

刻梓者數十家總題曰草堂雅集舉茂才署會稽欽

諭力辭不赴母葬廬墓大閱釋氏書乃謝絕塵事僑

居嘉興合溪漁釣五湖三洲間自稱金粟道人以

子思封武畧將軍水軍正千戶飛騎尉錢塘縣男

陸德方

海鹽縣人字顯叔至正十年登賢書授般陽路學正未幾歸時平章河東沈昭

避亂海鹽甘泉鄉德方輩其步備書於其家俄與

談經史論時政沈大驚知其所自遂以女妻之今梅

園陸氏皆其後人也

吳森

嘉興府志 字君茂汝南人徙居嘉興魏塘鎮為管軍千戶饒於貲好施與嘗捐田二頃建塾延師以教鄉里廉訪使奏森義行表其門閭

明

牛諒 構李詩繫字士良山東東平州人元末寓居嘉興與鮑恂張翥諸人友善學者多從之遊自顏其堂曰尚友明初應詔除翰林院典簿日學士張以寧使安南御製歌詩賜之歷陞禮部尚書著述甚多

高岳 萬曆嘉興府志字彥高本畏吾氏高昌裔大父仕元為江南行臺御史中丞岳博洽有才華儀容秀整人望而敬之工書兼通丹藥卜筮之術洪武間薦知雲南免官寓居嘉禾又嘗寓魏塘

高巽志 明詩綜傳字士敏蕭縣人構李詩繫元末僑居鄭元祐為文深醇典雅成一家言以薦為鄧山書院山長明洪武二年徵修元史入翰林累遷侍講學士未幾引退又召為試吏部侍郎以事去官請居胸山建文間召為太常少卿壬午靖難兵渡江巽志避去入永嘉鴈宕山其門人支淵閣侍書蔣兢亦潛踪於此巽志病卒兢為經紀其喪葬芙蓉峯北所著有齋集

卷 巽志 浙江通志亞聖五十四代孫祖忠厚扈宋南渡信安郡王賜第姓蘇子孫遂為吳人明初觀

人才詔授承寧知縣有治行陞英府審理副避兵寓於嘉興之清風徑

桑慎 兩浙名賢錄字仲修世居常州遷嘉興性孝友甚行力學洪武初為監察御史是事廷諍朋友有過輒而折之以行部海南奏請使張榮

施懋 萬曆嘉興府志字以德應天人能詩文工書有法橋嘗從侍御戴簡菴學乃與其子經

康大和 福建通志字原中莆田人嘉靖己未進士萬曆京少宗伯及大司寇

邱上儀 善浙江通志字和正武進人武進士受知荆湖陞任不赴總督朱燾元由江西都司歷海鹽參將有惠政知贈遺絲粟不受年七十餘子孫家於鹽

汪珂玉 明詩綜傳字玉水徽州人僑居嘉興崇禎中官山東鹽運使判官留心著述輯珊瑚網一編

甄儼 海鹽縣人 經字敬先真定人父貞宦於鹽遂占籍居澉川博學善詩文有古行娶瞽妻終身愛敬如

賓門人蕭孚貧卻其費且周之粟友

吳懷賢 嘉興府志 休寧人僑居嘉興以中書舍人辦事

擊節稱嘆加以評注工部員外吳昌期奉差督理惠

王府第糾劾侈昌梓瑞撤回懷賢遺書稱之有事極

必返之語詞多激烈其僕得罪於懷賢遂竊其所評

懷賢及其妾印氏子道昇送鎮撫司懷賢斃

杖下崇禎初子道昇上書訟冤贈工部主事

夏允彝 嘉禾微獻錄 字彙仲號瓊公華亭人寄籍嘉善

長樂知縣多異政擢吏部考功主事未赴遭國變自

沉於河而死彙仲神韻秀爽雖弱不勝衣而意慮深

章自見也所著有禹貢合注

吳羌 西吳里語 避王莽之亂隨梅福入吳攜妻子徙於

烏程之塗不鄉以溪山紆鬱因遷處焉時稱高士

錢林 兩浙名賢錄 字元茂徐州人建平中為諫議大夫

後王莽專政遂棄官隱於平望鄉陂門里梓山之

東子孫遂家焉西吳里語長與有錢林故宅在子山

吉祥鄉園林幽趣花石佳致層閣在山高門臨水

卯俊 吳興掌故 漢平帝時持節按撫江南屬王莽專政

至大司馬卒

庾翼 吳興掌故 汲郡人仕晉為蘭陵令奮節將軍隨元

帝過江為吳興郡丞因居烏程翼生豫章太守鎮

鎮生征南司馬建武將軍欽信欽信生宋晉熙王兵

曹參軍黠黠生南臺御史高高生齊驃騎大將軍孟

真孟真生梁散騎侍郎僧朗僧

陳達冊府元龜漢太邱長寔之後世居潁川達為長城

人出我子孫
必鍾斯運

南北朝

裴子野萬曆湖州府志河東人少好學善屬文仕齊為

祖松之嘗令故鄣遂留居焉撰宋
畧二十卷吳興掌故子野字幾原

唐

陸龜蒙唐書本傳字魯望舉進士不中往從湖州刺史

撰雖幽隱疾痛費無十口計不少輟也嗜茶置園顧
者山下歲取租茶自判品第不喜與流俗交雖造門
不肯見設蓬席齋束書茶竈筆床釣具往來時謂江
不飲人或號天隨子以高士召不至西吳里語龜

吳江人著吳興實錄若
江卷今長興有別業在

陸羽

唐書本傳字鴻漸一名疾字季疵復州竟陵人

得茶之漸曰鴻漸於陸其羽可用為儀乃以陸為氏
名而字之上元初隱苕溪自稱桑苎翁澗門著書或
獨行野中誦詩擊木徃徃不得意時謂今接輿也貞
元末幸羽嗜茶著經三篇言茶之原之法之具尤備
嘗茶者至詢羽形置
湯突間祀為茶神

崔元亮

吳興掌故昭義人元和中為吳

顧雲

全唐詩錄字垂象池州人風韻詳整與杜荀鶴

南從專師釋之亂退居晉川杜門著書
執政薦修國史書成加虞部員外郎

五代

鍾廷翰

十國春秋不知何許人流寓湖州素有賢名武

官緒寓居雲水累歷星霜克循廉謹之規備顯溫恭之道今者願求錄用特議掄材安吉屬城印曹闕吏俾期差攝勉効公方倘聞佐理之能豈怪超遷之獎後不知所終

宋

葉夢得 宋史本傳字少蘊蘇州吳縣人嗜學多識紹聖四年進士自婺州教授召對累遷翰林學士

論士大夫朋黨之弊蔡京欲以童貫宣撫陝西取青唐夢得曰祖宗時宣撫皆是見任執政未有以中人為之五年帥頰昌發常平粟振民常平使者括錢五十萬糴糶米輸後苑芻料工疏極論高宗駐蹕揚州陳待敵之計遷尚書左丞與宰相朱勝非論不協除資政殿學士不拜歸湖州紹興初起知建康府時建康荒廢夢得移統制官分守要害奏防江入事金人寇夢得善團結民兵數萬分據江津金兵不得渡去時以戰移守福州得總四路漕計軍用不乏

葬其先府君於吳興之弁山其地居風氣之會奇石如木行焉奇絕時之狀因號石林且營別業至黃因取其先世所植之樹名軒以志之

方淑 西吳里字智善汴人年十九登進士紹興初為

奏給備國訪以時事淑直言無諛大忤檜意因罷歸平居常與王洋劉一止徜徉慈相寺中倡酬往返以相娛

任仲 歸安縣志河南人初以明經進士為仙居令是為吳興汪氏

魚賜田於本邑

何彥猷 兩浙名賢錄字大憲高唐人紹興中為大理丞時秦檜誣下獄彥猷與李若璞論其無罪

方侯高劾彥猷等黨奸撓法罪在不赦罷黜寓居德清餘不溪上孝宗即位追贈二階特命其子伯寧為

蔡洸

萬曆湖州府志仙遊人端明殿學士襄之後徙居
雲川以父蔭補將仕郎中科除大理評事遷寺丞
出知鎮江府會西溪卒移屯建康舳舻相銜時久旱
郡民築陂瀆水灌漑漕司檄郡決之父老泣訴洸曰
君不忍獲罪百姓也卒不決已而大雨漕通歲亦大
熱除司農少卿請輸絹折納公私皆便以襄未易名
力請於朝賜諡忠惠兩

李道傳

宋史本傳字貫之隆州井研人四川通志徙居
吳興讀河南程氏遺書玩索至忘寢食慶元元
年登進士第累官著作郎提舉常平茶鹽公事居官
以踐履為本為學以踐履為功雖處暗室整襟危坐
肅如也卒
諡文靖

蕭德藻

福建通志字東夫閩清人紹興進士嘗令烏程
後遂家焉所居屏山千巖競秀自號千巖老人
楊萬里稱云近世詩人若范石湖之清新尤梁溪之
平淡陸放翁之敷腴蕭千巖之工致皆余所畏也著
自十巖
澤稿

劉光祖

宋史本傳字德修簡州陽安人登進士第吳興
掌故紹興間為殿中侍御史極論朋黨偽學之
禁言甚剴切寧宗初坐留朱熹罷起居郎管玉虛觀
慶元三年言官論列放棄房州後復職歷官顯謨閣
學士以蜀地險遠寓居德清
之新市市人呼其家曰川劉

游似

四川通志安漢人仲鴻子德清縣志字景仁由進
士歷官知樞密院事淳祐五年入相上問唐太宗
貞觀治效之速對曰人主一念之烈足以旋乾轉坤
及親儒從諫敬畏物身諸奏上嘉納之累章乞歸御
書事君以忠視民如傷行已有耻遜世無悶十六字
以賜且慰留之歷階廣平郡公右丞相兼樞密使七
年致仕初喜吳興山水嘗寓居德清
新市鎮至是遂占籍焉卒諡清獻

吳柔勝

江南通志寧國人因母家徙溧水故又為溧水
人德清縣志字勝之幼聽其父講伊洛書已知
有持敬之學人憚其方嚴淳熙八年登進士歷官至
秘書閣修撰寓居德清之新市鎮後家焉二子淵潛
皆宋末
名臣

姜夔

西江志字堯章德興人學詩於蕭千巖琢句精工

石道人紹興間秦檜當國隱居箬坑之丁山參政張

夔相得遂攜過茗雪以兄之女妻之遂家武康

張嶠

武康縣志字巨山襄陽人上舍登第居邑之上陌

待制有紫薇集于昌

程公許

宋史本傳字季與敘州宣化人嘉定四年進士

復其子立官職與內祠且許侍養行在公許繳奏

禮部侍郎公許曰繳士昌之命清之日夜於經筵短

公許清之再相公許屏居湖州者四年帝欲召為文

牟子才

自幼從學於魏鶴山嘉定間除史館檢校官對

廷英殿陳六事受知理宗嘗曰牟子才好箇七夫豔

官至資政殿學士卒諡清惠所著詩書稿一百卷內

外制十卷四朝史稿五卷奏議二十卷經筵講議五

王囑

文獻通考字季彝北海人紹淳間名士寓居

韓元吉

西吳里語字无咎官至尚書常寓德清縣之慈

嘗來訪之相與講讀於寺西之竹林精舍故寺中有

文及翁

兩浙名賢錄字時學綿州人徙居吳興歷官資

世祖累徵不起閉門

李龍

佩楚軒客談吳郡笠澤人僑居烏程三滙效元白

何道兩山間樹梅百株趙得符

力參新工題云 卷一百九十四 寓賢上 七

元

敖繼翁

兩浙名賢錄字君善福州人寓居烏程築一小樓冬不爐夏不扇惟事經史湖之名士從之遊者甚眾浙西平章事高彥敬薦授信州教授有文集二十卷

生簡

兩浙名賢錄字伯敬霑化縣人父吉昌任濟南府治中元統間簡以薦授祁陽縣尹改烏程因家焉後遷知福寧州至正十二年劇賊王善寇建邵追州境簡率民力戰馬中流矢被執罵賊死屍不仆頭無血惟涌白沫如流膏次子相亦遇害妻潘氏聞變恐被辱先自縊家奴逃還告其長子植植往得父母屍歸葬烏程江浙行省上其事贈奉議大夫濟南路總管上輕車都尉太原郡侯以植襲父爵除總興路總管張士誠陷城亦以不屈死

張羽

西江志字來儀潯陽人吳興掌故元平領鄉薦授武中召見往至太常寺丞兼署翰林院同掌文淵閣事羽詩文奇古與姑蘇高啟楊基徐賁齊名所著有

稟

謹按湖州府志羽為潯陽人遂訛以為南潯人今改入寓賢

陸厚

江南通志華亭人居城東自號東園散人博學經史尤精孫吳書兵亂往來天目茗雷間將某聞其名覓之不可得兵息返故廬勸之仕不應有詩集號古漁唱

郭學乾

始豐類稿廬陵人負奇氣精地理學好遊覽名山川至正中縱觀五湖之勝至吳興而止會兵亂道梗欲歸不能僑居鄞之連水上連上之人慕與之遊爭館之久之卒同郡羅孔碩李訥葬之道場山之阿潯陽張羽為撰行述以揭諸墓

陳振

吳興掌故字文舉杞縣人宋南渡居錢塘振讀書實踐年二十以詩經舉為蘇州文學掾元末避兵弁山家焉子引為古田教諭引子敏政成進士官至南康知府

明

溫祥卿

兩浙名賢錄大同人精通陰陽術數之學元末避兵家於長興耿炳文初下湖州民心未附祥卿杖策以布衣進謁炳文與語奇之遂留贊軍事為

炳文畫策據要害設戰具為守禦計未幾吳平以畫

贊功累官兵部尚書

徐賁

萬曆湖州府志字幼文蜀人工詩在吳與高啟諸

不競徙居烏程之蜀山洪武中以薦至京授給事擢河南左布政所著有北郭集

孫一元

兩浙通志字太初平涼人列朝詩集傳太初嘗

白給以鐵笛鶴飄自隨善飲酒好談論所至傾動其

士表夫嘗南入吳會遊樓運不去費宏罷相訪之南

屏山中值其書樓賦詩與語送之及問了不謝

劉麟

傳詳名宦西江志麟為紹興知府罷士民為建小

籃輿於梁曲臥其中名曰神樓文徵明繪圖遺之

袁表

兩浙名賢錄字永之長洲人五營知書七歲賦詩

有奇語嘉靖乙酉應天鄉試第一舉進士授武選

主事觸忤時貴編戍湖州寓居城南之峴山寺搜奇

唐志大

兩浙名賢錄字子迪上海人嘉靖辛丑進士授

南京行人司副便道歸將迎母以行比歸而母

病遂乞終養敦行色養之道躬親稼穡以給甘旨閒

居樂志自謂三公不易無復有用世意倭從海上起

韓奕

江南通志字公望長洲人博學工詩常浪跡山水

間遇山僧野客累月忘返所契玉質素為太守姚

善所重善欲因賓致奕奕終不往一日與賓詣奕奕走楞伽山善隨至又泛小舟由太湖入苕霅溪避之善嘆曰韓先生所謂名可得聞身不可得而見也

徐獻忠

萬曆湖州府志字伯臣華亭人孝友天至博學能文中應天鄉試為奉化令有聲其父病執獻

忠手曰吾家三世不益下得無繫於葬所哉於是偕堪輿家卜地得烏程之福山葬其父遂家焉

洪儒

歸安縣志字澹寧歙縣人父海容教授西吳因家焉儒天性孝友言坊行表足為後學儀型學使者

屢舉優行表其廬曰世濟名賢

黃周星

明詩綜傳字九烟上元人崇禎進士除戶部主事晚居湖州號團菴布衣素冠寒暑不易嘗賦

詩云高山流水詩手軸明月清風酒一船借問阿誰堪作伴美人才子與神仙年七十自撰墓誌作解脫吟與妻琴訣

自沉於水

國朝

王武臣

德清縣志字莞菴武昌人由武科歷任居邑之文昌里蕭然齋閱書數卷而已

有西山雷稿吳越吟種德錄諸刻

寧波府

宋

祖域

嘉靖寧波府志字貞大建隆中由閩徙奉化仕至殿前司統制平居尚氣節樂施子歲飢發私廩以賑所活以千計

貧不能婚喪者出棺之費民懷其惠立廟以祀

方軫

福建通志字叔時莆田人以父任太廟齋郎大軫嶺南靖康元年軫前朝陳誅始得收復後知鄞縣

天啟慈谿縣志軫貧不能歸遂家於慈谿之鳴鶴山

黃子游

傳詳名宦成化四明郡志浦城人徙奉化

卞大亨

寶慶四明志字嘉甫泰州人由鄉舉入太學升舍有聲靖康中攜二子走行在丞相范宗尹以

遺逸薦特恩調懷寧縣簿紹興中隱居象山之錢唐村手植萬松行吟其間自號松隱居士好讀左氏傳及遷固諸史老杜詩素習養生導引術醫藥占筭尤極其妙解衣推食賑卹饑寒手製藥餌惠利甚溥子

子登紹興三十年第授揚州倅

王撫成化四明郡志其先開封人建炎渡江居於鄞幼學於里師樓坊為文醇深善議論壯歲試詞科不

中輒棄去後登嘉定進士第同年余天鈞參知政事屬教其子弟歲終致束修以謝堅不肯受曰吾二兒

習詞學鄉里無完書願從公求尺牘天鈞欣然許之從二子以鳳泉中詩學科擢壽預修四朝史為

輿服志六卷後直隸閣知温州

徐立之寶慶四明志字植夫登州人紹聖初登進士甲科靖康後扈駕南幸丞相呂頌浩最知遇之及

秦檜當國丐祠居鄞徜徉里閭三十年積官至朝散大夫年逾八秩手不釋卷累贈同府儀同三司

張邵成化四明郡志字才彥和州烏江人宣和三年登

察推官奉母居鄞卒葬鄞之雷峯因家焉邵使數文待制紹興二十五年知池州請祠邵遇事慷慨憤激常以功名自許昌險出使人皆危之及後因拘畧無悔懼賦詩作文動盈編帙歸獻所聞納忠於朝高宗將進用之而邵無意於仕進矣

蔣猷汪藻蔣猷墓志字仲遠金壘人元豐八年進士官徽猷閣直學士是舉嵩山崇福宮建炎三年避地

明州卒於昌國縣蓬萊鄉天資渾厚平生未嘗以游辭為色借人其論事上前不為苟合雖人主盛怒反覆開陳必盡理而後已其論薦皆一時名士平居

無嗜好未嘗一日廢書每文集二十卷藏於家

高友文成化四明郡志字仲章號寓齋其先汴人建炎

間隨駕南渡遂家於鄞性端謹學問該博舉進士調泰州如皋尉以養親親歿築室墓旁

絕口不談名利事客有以養親親歿築室墓旁樹立以圖顯大何乃為沉黙友文歎曰任以

郭維嘉靖寧波府志河南人父貫官奉議郎終於長河

判官建炎間維徙居四明以北學教授諸生從者

如雲卒集 西湖之原

顧主簿 容齋三筆不知何許人南渡後寓慈谿安於貧賤不斲人之知至於踐履雖細事不苟平旦起

俟賣菜者過門問菜把值幾何隨所言酬之他飲食布帛亦然久之人皆信服不忍欺苟一日之用足則

玩心墳典不事交游里中有一不安其分武斷強伎者相與譏之曰汝豈顧主簿耶

朱翌 延祐四明志字仲舒州嵩川人漢桐鄉齋夫已書監屬預修徽宗實錄時范冲領史局翌刪潤功居

多秦檜逐趙鼎翌以鼎黨貶歸州後召還朝廷憫其饑寒計貶所四十年衣儻悉予之遂卜居鄞嘗作信

天緣堂記死自為誌辭必大論其詩似杜牧之而出處亦相類號省事老

李宗質 樓倫李宗質墓誌字文叔世家於濮八歲而孤南遷展氏於廬中抱持和哭別十年而得奉色養者

二十年赴調監明州大嵩鹽場因卜居石塘遂為明

之鄞人十七年陞遂昌令歲饑寇作於旁郡丞捕

惡斃之羣黨帖息隆興元年改知會稽丁展氏憂服除權通判隆興府時江西大旱宗質賑濟盡力全活

者衆改通判鎮江府外臺以清廉公勤引薦於朝差知台州彌事奮勵聽訟必先抑告許懲奸惡理財精

察量入為出帑庾為之充衍增學田以養士者數百畝及調戍兵遣海州號令簡明凜有風采縣吏重足

承命而未嘗輕用鞭撻聞者服其平允尋差主管武夷山冲佑觀五轉至朝散郎

淳熙十一年卒年七十三 黃龜年 延祐四明志字德紹其先福州人後葬父於鄞

因家焉舉進士第為殿中侍御史與諫官劉棻論秦檜行類萃卓特朝廷未之察檜由是罷相至檜

再相龜年寓湖州檜撫其過押使回福州檜死龜年復居於鄞

鄭鐸 成化四明郡志字剛中由福州徙鄞躬孝友之行貫通經史以詞賦名於時登紹興三十年進士仕

至屯田郎寧宗在英邸兼小學教授嘗進勸戒元龜後特加贈且官其子

張良臣

成化四明郡志字武子一字漢卿家洪州避寇來明州因占籍焉善詩清刻高潔不蹈凡近尤長於唐人絕句語盡而意益遠後宋詩人咸推服之

趙粹中

成化四明郡志字叔達自密州徙居於鄞登紹興進士孝宗悅意復北疆粹中進恢復機密十論富強要策十卷孝宗亟喜之一歲九遷由秘書郎權起居郎給事中除吏部侍郎嘗上疏罷王安石父子從祀乞雪岳飛冤狀又集司馬光范鎮董弁等奏議正太祖東嚮之位議不行寧宗即位卒知其議後以待制知池州家居十年粹中善筆札子樽書似其父樽幼孤終身不肯仕嘗隱茅山郡守屢薦於朝特許循資樽亦謝不受

魏杞

成化四明郡志字肅夫曲隰山徒於鄞登紹興十年進士第歷縣令能名後遷宗正少卿假禮部尚書使金行次盱眙金人攻萬騎脅之杞不為動奉禮幣以往至金卒正敵國禮減歲幣舊數以歸孝宗大喜除杞居郎遷給事中乾道三年拜同知樞密參知政事明年拜右僕射除觀文殿學士卒諡文節杞能詩居小隱絕不言政事

著有山房集三言行編

韓元禮

嘉靖寧波府志字敬仲剡人淳熙九年進士先二年改松溪黨籍禍起以有惠於象遂泛海至其邑西南鄉居焉

元

任士林

嘉靖寧波府志字叔實其先蜀綿竹人徙居奉化再世又徙埭山幼敏六歲能屬文既長喪父廬墓讀書喜為文沉厚正大一以理為主而含蓄頓挫讀之有味後講道會稽授徒錢塘遠近求請無虛日所著有中易論語精義及文集若干卷

謝暉

嘉靖寧波府志字武康石塘胡長孺以德學淑後進往受業其門或勸習舉子業答曰學以博通古今資文行耳任奚所急哉趙文敏授以書法比家居藩帥郡守請交一無所求為詩文簡淡雋永人以其及牘片楮為榮暉亦不自秘惜求輒應之有所不可雖貴勢不能

也動

揭法

天啟慈谿縣志字伯防荆楚人後斯子少淳樸苦學年十八盡通六經大義工古文辭補太學生端

方有威儀六館士敬憚之以蔭補秘書郎遷國史編修歷官至肅政廉訪使守建寧偽漢陳友諒兵寇松

閣建寧受圍吏民相繼出奔法與經畧使普顏不花協謀禦賊設方畧復延平等三州改江西行省未赴

以工部郎中召時准浙道不通遂留家四明之慈溪

丁鶴年戴良高士佳西域人父職馬祿丁臨川縣簿以治行高等陞武昌縣達魯花赤有惠政解官之

日愛其土遂家焉子五人鶴年最幼父死鶴年甫十二俗素短喪鶴年以為非古制乃服斬衰三年厲志為學年十七通詩書禮三經淮兵渡江襲武昌鶴年奉母以行聞從兄吉雅謨丁避地越江上徒步往依焉自給口明或旅食海鄉為童子師或寓居僧舍賣藥方士大夫多依之為年居是邑數載未嘗觀其面

名傳歷可矣

廼賢

元詩選傳字易之世居金山之西元興四七

卜居於鄞再至京師以能文名尤長歌詩每為一士大夫輒傳誦之時許人韓與玉能書王子充善文易之與二人偕來人以為江東三絕久之歸浙東僻為東湖書院山長以薦授翰林院編修官出參彙哥失里軍事所著南金彙集

吳志淳

成化四明郡志淳以字行濟南人工詩善草隸以父廢

寓鄞之東湖至正淳已在家不聞焉當詩若南昌揭伯倅所匿志淳已在宅不聞焉當詩若南昌揭伯防會稽盛景華魏郡遷魯生永嘉柴養吾亦嘗寄跡於鄞至如龍子高之寓慈溪戴叔能之寓定海數君子者或賦詩或作文或論書法各逞所長故詞章翰墨人得之不啻拱壁養吾師米南宮寫雲山烟嵐變滅渾然天成曾生亦善寫水墨花鳥梅石而竹精於鈎勒顛掣之勢則行得於李後主子高後歸於開張

淮中作琴劍歌送之明詩綜傳志

謝昌元

一調肇慶府教授除太學博士知封州後為沿海參議官因家於鄆開慶初長子大椿挈其家屬來

鄆舟由鄆州世祖駐兵江許獲其舟以大椿歸甚愛之傳給事殿中命大椿召昌元入朝上深器呼為南儒預議中書省事為禮部尚書

周友常

士授餘姚州學正設科課士井井有條與朱公遷並馳名江左宋文贊薦其才陞慶元路提舉安民弭盜綽有成績未幾因方國珍擾內地陳救援三策弗用掛冠隱定海大沃江之南築室棲遲混跡漁樵子孫世為定海人

明

李善

成化西明郡志字顯善東平人父灝仕元為三江不取於色人莫得窺其涯涘嘗額所居之室曰人性

壽七十六

賀確

陳鎬賀確傳字存誠隴西人洪武初徙家四明少經子史以至天文地理醫卜之書無不覽究為文詞下筆輒有古風以菊有隱者採菊愛之別號菊隱學士周敘以其有史才薦修遼金元三史力辭不就有司延為鄉飲大賓幅巾衣履度整肅望而知為君子暇則縱尋山水間優游以老年九十三所著友菊詩一卷

陳遠

嘉靖寧波府志字中復一字中孚先樸之郵城人弱冠遊學宣饒間從中書左丞韓伯高授易得專門奧旨工書法有晉人風度尤善模寫人物過四明愛俗尚淳厚遂家焉洪武中召至闕廷命寫御容賜金帛以文淵閣待詔歸里永樂間遣中貴馳驛召入覲賜賚益厚憫其年老賜歸遠為人清峻剛直毅然不可犯而意度閒雅接之則和氣藹如故士大夫多敬慕焉

劉端

象山縣志泗州人景泰七年由選貢丞象山以節愛稱令缺署篆久民甚德之雅善堪輿曰象山仁

里也遂卜居城北入籍焉子景弘治
間領鄉薦歷吳縣令陞岳州通判

羅心樸

奉化縣志字夢章號抱靈四川營山人崇禎丁
丑進士仕寧波司李風裁凜然豪猾斂跡明季

辭組蜀道阻絕游奉化之小萬
竹愛其山水清曠築室居焉

勅修浙江通志卷一百九十四

寓賢

下

紹興府

漢

梅福

漢書本傳字子真九江壽春人少學長安明尚書
穀梁春秋為郡文學補南昌尉是時成帝委任大
將軍王鳳王氏浸盛福上書譏切王氏不見納元始
中二莽顛政福一朝棄妻子去九江傳以為仙其後
有人見福於會稽變
名姓為吳市門卒云

袁忠

後漢書袁安傳忠汝南汝陽人安之元孫與同郡
范滂為友同陷獄得釋初平中為沛相乘葦舟到
官以清亮稱及天下亂棄官客上虞嘗乘舟戴笠詣
太守王朗見朗騶從繁麗鄙之即辭去後徵為衛尉
未至卒子泌學黃巾
賊陷死詔旌其門

許靖

河南通志字文休平與人於越新編靖舉孝廉與從兄邈俱有人倫之鑒董卓亂隱會稽後仕蜀累

官太傅

陸瓊

江南通志字仲芳毘陵人明京氏易尚書尤精風角星算辟主簿謝病去隱會稽山

蔡邕

後漢書本傳字伯喈陳留圉人少博學好辭章數術天文妙操音律桓帝時五侯擅恣聞邕善鼓琴

遂白天子勅陳留太守督促發遣邕不得已行到偃師稱疾而歸邕慮卒不免乃亡命江海遠跡吳會吳

人有燒桐以爨者邕聞火烈之聲知其良木因請而裁為琴果有美音而其尾猶焦故時人名曰焦尾琴

注張麟文士傳邕告吳人曰吾昔嘗經會稽高遷亭見屋椽竹東間第十六可以為笛取用果有異聲爾

浙名賢錄邕書曹娥碑陰八字云黃絹幼婦外孫藎曰即其時也

桓臯

兩浙名賢錄字文林龍亢人榮之五世孫舉孝廉方正皆不應初平中避地會稽山故魯相鍾離意

舍越人化其節間里不爭訟太守王朗給服食牛羊悉不受

孔潛

於越新編潛本宜聖十七代孫漢末避地會稽孔道隆孔覲皆其後也今世為山陰人

三國

王肅

三國志王朗傳肅字子雍東海郡人與地志王朗為會稽太守子肅隨之郡住東齋中夜有女子從

地出稱越王女與語達旦臨別贈墨一丸肅方注周易多有滯思因此便覺才思開悟

晉

王羲之

晉書本傳字逸少司徒之從子年十三嘗謁稱其筆勢以為鷹若驚龍起家祕書郎征

西將軍庾亮稱羲之清賞有鑒裁遷寧遠將軍江州刺史羲之既少有美譽朝廷愛其才頻召為侍中吏

部尚書皆不就乃以為右軍將軍會稽內史時殷浩與桓溫不協羲之以國家之安在於內外和因與浩

書以誠之及浩將北伐羲之以書止之言甚切至浩身也

吳會尤甚羲之尤上疏爭之雅好服食養性初渡浙

江便有終焉之志會稽有佳山水名士多居之謝安未仕時亦居焉孫綽許詢李充支遁等皆以文義冠世並築室東土羲之嘗與同志宴集於會稽山陰之蘭亭自為序以申其志性愛鷺山陰道士養好鷺羲之往觀意甚悅固求市之道士云為寫道德經當舉琴相贈耳羲之欣然寫畢籠鷺而歸嘗在蕺山見一老姥持六角竹扇賣之羲之書其扇各為五字姥初有慍色因謂姥曰但言是王右軍書以求百錢姥如其言人競買之他日姥又持扇來羲之笑而不答既去官與東土人士盡山水之游弋釣為娛又與道士許邁共修服食採藥石不遠千里徧游東中諸郡窮諸名山泛滄海年五十九卒有七子知名者五人

謝安

晉書本傳字安石年四歲時桓彝見而嘆曰此兒風神秀徹後當不減王東海及總角神識沉敏風宇條暢王導亦深器之初辟司徒府除佐著作郎並以疾辭寓居會稽與王羲之及高陽許謝桑門支遁游處出則漁弋山川入則言咏屬文無處世意常往臨安山中坐石室臨濬谷悠然嘆曰此亦伯夷何遠既累辟不就安妻劉惔妹也見家門富貴而安獨靜退乃謂曰丈夫不當如此邪安捉鼻曰恐不免耳始

有仕進意時年已四十餘征西大將軍桓溫請為馬頭之徵拜侍中遷吏部尚書尋為尚書僕射加將軍及中書令王坦之出為徐州刺史詔安總閱中書事安義存輔導時疆敵寇境邊書續至安鎮以和靖馭以長算德政既行文武用命不存小察弘以大綱威懷外著人皆比之王導謂文雅過之苻堅強盛疆場多虞安遣弟石及兄子元等應機征討所在剋捷拜衛將軍開府儀同三司封建昌縣公性好音樂期喪不廢又於土山營墅樓館竹林竹甚盛每攜中外子姪往來游集安雖受朝寄然東山之志始末不渝每形於言色雅志未就遂遇疾篤乃上疏遜位尋薨贈太傅諡文靖二子瑤瑛瑤襲爵官至瑯琊王友

謝元 輿縣志字幼度為叔父安所器重授散騎常侍會稽內史初元父奕為剡令樂其山水有寓居之意元因歸剡嵎山東北太康湖於江曲起樓樓側桐梓森鬱人號桐亭卒諡獻武葬始寧

戴逵 晉書本傳字安道謚國少博學好談論善屬文能鼓琴工書畫其餘巧藝靡不畢綜總角時以雞卵汁澆白瓦屑作鄭元碑又為文而自鐫之詞麗器妙時人莫不驚歎太宰武陵王晞聞其善鼓琴使人

名之達對使者破琴曰戴安道不為王門伶人後徙居會稽之剡縣性高潔嘗以禮度自處深以放達為非道乃為著論孝武帝時以散騎常侍國子博士累徵辭不就郡縣數敦逼不已乃逃於吳吳國內史王珣有別館在武邱山達潛詣一游處積旬會稽內史謝元慮達遠遜不反上疏曰伏見譙國戴逵希心俗表不嬰世務雖策命屢加幽操不回陛下既已愛而器之宜使其身名並存請絕其召命帝許之逵復還剡後王珣為尚書僕射上疏復請徵為國子祭酒散騎常侍復不至太元十二年病卒長子勃有父風義熙初以散騎常侍徵不起

王修齡

世說名胡之常寓東山甚貧乏陶範為烏程令以米遺之不受直答云王修齡若飢自當就謝

仁祖索食不須陶胡奴米

孫統

晉書孫楚傳楚孫統字承公太原中都人幼善屬文征北將軍褚裒聞其名命為參軍辭不就家於

會稽性好山水乃求為鄞令居職不畱心碎務縱意游肆名山勝川靡不窮究後為餘姚令卒子騰嗣以

博學著稱位至廷尉騰弟登少善名理注老子行於世仕至尚書郎

孫綽

晉書孫楚傳綽字興公博學善屬文少與高陽許

致其意所居齊而種一株松恒自守護隣人謂之曰樹子非不楚楚可憐但恐永無棟梁日耳綽答曰楓

柳雖復合抱亦何所施耶嘗作天台賦辭致甚奇以示友人范榮期云

學博士遷散騎常侍領著作郎時大司馬桓溫將移都洛陽朝廷畏溫不致為異人請疑懼並知不可莫

敢先諫綽乃上疏桓溫見綽表不悅曰何不尋君遂初賦知人家國事耶

綽為其冠溫王都庾之憂心須綽為碑文然後刊石焉

許詢

兩浙名賢錄字元度高陽人父岐為會稽內史因家焉詢有才藻善屬文能精言與太原孫綽齊名

隱居不仕築室永興之南山蕭然自放一時名士無不傾慕劉惔嘗曰清風明月輒思元度後終於剡山

天中記許詢徵司徒掾不就乃杖策披裘憑樹構室常與沙門支遁謝安石等同遊

阮裕 晉書阮裕字思曠陳留尉氏人居會稽剡縣
 不就還剡山有肥遯之志有以問王羲之羲之曰此
 公近不驚寵辱雖古之沉冥何以過此在剡曾有好
 車借無不給有人葬母意欲借而不敢言後裕聞之
 乃嘆曰吾有車而使人不敢借何以車為遂焚之
 之復徵散騎常侍全紫光祿大夫並無所就或問裕
 曰子屢辭徵聘而宰二郡何邪裕曰屢辭王命非敢
 為高也吾少無宦情兼拙於人間既不
 能躬耕自活必有所資故曲躬二郡耳

孫盛 晉書本傳字安國太原中都人父恂潁川太守在
 郡遇賊被害盛年十歲避難渡江及長博學善言
 名理於時殷浩擅名一時與抗論者惟盛而已盛嘗
 請浩談論對食奮擲塵尾毛悉落飯中食冷而復暖
 者數四至暮忘食理竟不定由是知名起家佐著作
 郎桓溫伐蜀以盛為參軍賜爵安懷縣侯出補長沙
 太守篤學不倦自少至老手不釋卷著晉陽秋詞
 直理正咸稱良史兩浙名賢錄盛渡江居於會稽

南北朝

王弘之

宋書本傳字方平瑯琊臨沂人少孤貧為父祖
 徵士何准所育從叔獻之及太原王恭並貴重
 之性好山水求為烏程令尋以病歸荆州刺史桓偉
 請為南蠻長史義熙初年何無忌又請為右軍司馬
 高祖命為徐州治中從事史除員外散騎常侍並不
 就家在會稽上虞從兄敬弘為吏部尚書奏為庶子
 不就又陳弘之高行苦節宜招空谷以敦沖退之美
 元嘉四年徵為通直散騎常侍又不就敬弘常解貂
 裘與之即着以采藥性好釣上虞江有一處名三石
 頭弘之常垂綸於此經過者不識之或問漁師得魚
 賣否弘之曰亦自不得得亦不賣日夕載魚入郭經
 親故門各以一兩頭置門內而去始寧汰川有佳山
 水弘之依巖築室謝靈運顏
 延之並相欽重卒年六十三

孔淳之

南史本傳字彥深魯人也少高尚愛墳籍居會
 稽剡縣性好山水每有所遊必窮其幽峻或旬
 日忘歸除著作佐郎太尉參軍並不就居喪至孝廬
 於墓側服闋與徵士戴顓王弘之王敬弘等共為人
 外之遊會稽太守謝方明苦要之不能致使謂曰苟
 不入吾郡何為入吾郭淳之笑曰潛游者不識其水

巢核者非辨其林飛沉所至何問其主終不肯往茅室蓬戶庭草蕪徑惟床上有數帙書元嘉初復徵為散騎常侍郎乃逃於上虞縣界家人莫知所在

阮萬齡

宋書本傳陳留尉氏人少知名自通直郎為孟昶建威長史時袁豹江夷相繼為昶司馬時人為昶府有三素望萬齡家在會稽剡縣頗有素情永初末自侍中解職東歸徵為秘書監加給事中不就

元嘉二十五年卒年七十二

何允

梁書本傳字子季黠之弟也廬江瀟人師事沛國劉瓛受易及禮記毛詩又入鍾山定林寺聽內典

其業皆通起家齊秘書郎永明十年遷侍中鬱林嗣位允為后族甚見親待允雖貴顯常懷止足建武初已築室郊外恒與學徒游處其內至是遂賣園宅欲入東山拜表辭職詔許之允以會稽山多靈異往遊焉居若邪山雲門寺初允二兄求黠並棲遁求先率至是允又隱世號黠為大山允為小山亦曰東山永元中徵太常不就高祖踐阼詔為特進光祿大夫遣領軍司馬王果宜寺諭意果至允單衣廢巾執經卷下床跪受詔書因謂果曰吾年已五十七月食四米不盡何容得有宦情果還奏聞乃勅聚徒受業於是遣何子朗孔壽等於東山受學允以若邪迫隘不容生徒乃遷秦望山山有飛泉西起學舍即林成援因巖為堵別為小閣室寢處其中躬自啟閉童僕無得至者還吳居虎邱西寺學徒復隨之大通三年卒年八十六

王籍

梁書本傳字文海琅琊臨沂人七歲能屬文及長好學博涉有才氣樂安任昉見而稱之嘗於沈約坐賦詠得燭甚為約賞天監初除安南王主簿歷餘姚錢塘令並以放免久之除湘東王諮議參軍隨府會稽郡境有雲門天柱山籍嘗游之或累月不返至若耶溪賦詩其畧云暉林逾靜鳥鳴山更幽當時以為文外獨絕還為大司馬從事中郎遷中散大夫卒

江總

陳書本傳字總持濟陽考城人幼聰敏有至性及長篤學有辭采家傳賜書數千卷總晝夜尋讀未嘗輟年十八解褐丹陽尹何敬容開府除敬容府主簿遷尚書殿中郎范陽張纘瑯琊王筠南陽劉之遴

並高才碩學雅相推重為忘年交侯景寇東都總避
難會稽郡憇龍華寺乃製修心賦其畧云太清四年
秋七月避地於會稽龍華寺此伽藍者余六世祖宋
尚書僕射州陵侯元嘉二十四年之所構也侯之王
父晉護軍將軍彪昔蒞此邦卜居山陰都賜里貽厥
子孫有終焉之志寺域則宅之舊基左江右湖面山
背壑東西連跨南北縈紆聊與苦節名僧同銷日月
曉修經戒夕覽圖書寢處風雲憑棲木月情可知矣
元帝平侯景徵為明威將軍始興內史陳天嘉四年
以中書侍郎徵還朝入隋為上開府開皇十四年卒
辛普明 於越新編河南人僑居山陰少就關康之受業
家貧與兄共處一帳兄亡以帳圍柩較多不得
寢處之怡然及葬鄉人爭以金賻後至者不復受人
問之答曰本以兄墓不周故不逆親友之意今葬費
已足豈可利餘贈耶
徵為議曹從事不就


王知元 陳書孝行傳高宗世有太原王知元者僑居於
會稽剡縣居家以孝聞及丁父憂哀毀而卒高
宗嘉之詔改其所居
清苦里為孝家里

唐

李白 唐書本傳字太白其先隋末以罪徙西域神龍初
通還客巴西白之生夢長庚星因以命之十歲通
詩書既長隱岷山州舉有道不應喜縱橫擊劍為
任俠輕財重施更客任城與孔巢父韓準裴政張叔
明陶沔居徂徠山號竹溪六逸天寶初南入會稽與
吳筠善筠被召故白亦至長安往見賀知章知章見
道文愛曰子謫仙人也言於
元宗召見金鑾殿供奉翰林

朱放 全唐詩選傳字長通襄州人隱於越之剡溪嗣曹
王早鎮江西辟節度參謀貞元初召為拾遺不就

陸參 兩浙名賢錄字公佐吳郡人蚤孤與兄隱居於會
稽有佳山水率子弟耕汲其中因修桑門之法擯
落人事貞元初兄既歿始為宗姻士友所強慨然有
應世之心由試佐環衛歷大理評事攝監察御史後
徵拜祠部員外郎出為歙州刺史參為人器度夷遠
同心定交造次以之從善親仁發於肺腑文章弘朗
有作
者風



齊抗

嶧縣志字遐舉高陽人少值天寶亂奉母居會稽初棲剡嶺後遷玉笥山未二紀而登台鉉

李紳

全唐詩錄傳字公垂亳州人嶧縣志貞元十八年紳為布衣東遊天台過剡令崔某座中有僧修真

謂曰君異日必當鎮此修予所居元和三年紳以前進士為故薛萃常侍招致越中真已臥疾使人相告幸勿忘前言太和癸丑紳以檢校左騎省廉察蒞越果符其言僧徒悉殂謝寺更頽毀因捐錢三十萬率諸僚施俸以飾寺宇工成紳有龍藏寺記

宋

劉安世

宋史本傳字器之魏人登進士第不就選從學於司馬光咨盡心行己之要光入相薦為祕書

省正字後宣和六年待制中書舍人安世儀狀魁碩音吐如鐘正色立朝扶持公道一時無不敬懾家居本嘗有倦容久坐身不傾倚作字不草書不好聲色貨利其忠孝正直皆則象司馬光年既老名賢器器而歸然獨存名望益重成化新昌縣志安世母太常寺新昌石亞之女故自幼游學新昌石溪義塾

韓肖胄

宋史本傳字似夫祁州安陽人以蔭補承務郎徽宗問其家世賜同上舍出身紹興三年拜端

明殿學士充通問使至金國金人知其家世甚重之往返纒半年與朱勝非議不合力求去以舊職知溫州提舉臨安府洞霄宮五年除資政殿學士知紹興府等奉祠與其弟應胄寓居於越幾十年事母以孝聞卒諡元穆

夏榮

萬曆上虞縣志字子顯世居泮梁以詩禮名家晚就武職高宗南渡扈駕東征高橋之戰身被五十

餘創忠憤益奮大呼而進金兵大敗遁去封兩浙制置使守越後退老上虞諡曰英

周靖

李大同制置使字天錫先本南康人幼通敏好古善屬文舉官和進士主中江簿轉郴州錄事

過於守帥多掣肘靖守法不阿常預內鈐已而靖康之亂乃以宗社大計關白大臣欲投書闕下當事者沮之靖知勢不可為遂棄歸紹興間薦章交上遂起為國子正錄進本監博士三舍弟子業成而仕後多知名居無何力丐罷官得諸暨意其有中州風遂徙居之

尹焞

宋史本傳字彥明世為洛人少師事程頤嘗應舉發策有誅元祐諸臣議焞曰噫尚可以干祿乎哉不對而出於是終身不就舉靖康初名至京師賜號和靖處士紹興八年除太常少卿未幾稱疾九年以徽猷閣待制兼侍講召又辭秦檜當國見焞議和疏不樂遂不復留於越新編焞壻邢純迎養於越卒因葬焉今其祠在大夫橋榜曰古小學

程迥

宋史本傳字可久寧陵人靖康之亂徙紹興之餘姚孤貧漂泊無以自振二十餘始知讀書時西北士大夫多在錢塘迥得以考德問業焉登隆興元年進士所著有易傳外傳春秋傳顯微例目論語傳孟子章句文史評經史說諸論辨卒官朝奉郎

曾志

東都事畧字仲常鞏之孫補太常內舍生以父任郊社齋郎累官司農丞通判溫州須次於越金人陷越以瑟八為帥約詰旦文武官並詣府有不至及藏密不覺察者皆死志獨不往為隣人糾察逮捕詞氣不屈時金人帳中執兵者皆愕眙相視瑟八口且令出左右盡驅其家屬四十口同日殺之越南門外

越人作窖瘞其屍金人去志弟朝散郎息知杭州餘杭縣置大棺斂其骨葬天柱山

胡直孺

兩浙名賢錄字少汲華林人紹聖間進士累遷工部尚書郎以龍圖閣學士知洪州率兵禦金人於營邱斬首千級高宗即位赴行在改刑部尚書奉勅治會稽攢官因畱家焉卒葬雲門白水塘有西山老人集行世

王侯

兩浙名賢錄字碩夫宛邱人政和二年進士歷監察御史建炎初扈蹕南渡遂家餘姚名拜右司員外郎紹興初命左右條具改正崇觀以來濫恩諸失職者為飛語上聞免言秦檜專國侯家居一十八年檜死起知明州歷工部尚書尋乞身歸

王琰

萬曆紹興府志字剛夫臨川人父榕為諸暨令遂家焉敏悟絕人博洽墳典由分寧尉累遷知衡州所至有聲胡銓嘗薦之有曰治經有行亞西漢之名儒惻悞無華實東都之循吏兄瑊字寶臣知通州行業與琰齊名

宋延祖

兩浙名賢錄字嗣宗濟南人建炎南渡因家上虞紹興中登進士官國子主簿除權給事繳駁奏論無顧避改諫議大夫兼侍讀遷兵部尚書延祖以公忠受知不三年而登八座自謂遭時遇主知無不言以讜直稱

陳知柔

福建通志永春人紹興進士授台州判官與秦檜子同榜檜當軸前列十餘人以扳援致通顯知柔獨不阿附以故齟齬雅好山水自天台至會稽耽其巖壑畱二年所著有易本旨易大傳春秋義例詩聲譜論語後傳詩話古賦雜著

曾幾

傳詳名宦宋史本傳初家河南紹興末官浙東因居越禹跡寺未幾擢其子逮為浙西提刑迎養於官卒葬山陰鳳凰山

羅從彥

於越新編字仲素南劍人聞楊時得程氏學慨然慕之時令蕭山從彥徒步往從之即驚汗浹衣曰不至是幾虛過一生矣入之卒業學者稱豫章先生

王希呂

傳詳名宦兩浙名賢錄希呂移家會稽貧不能廬寓僧舍孝宗聞之賜地一區錢六百萬緡令有司治第於越之東隅子孫世居焉即今所稱後街池也

孟載

兩浙名賢錄鄒國四十八代孫高宗時扈駕南渡授環衛上將軍家諸暨卒贈太尉

高世則

山陰縣志字仲貽汴人扈從高宗南渡領越州觀察使紹興改元除保靜軍承宣使提舉萬壽觀詔令編類元帥府事蹟寓居越州山陰之禹會鄉帝遣中使時給俸祿後加少保開府溫州子干之祕閣修撰世家於越

張孝伯

萬曆紹興府志歷陽人父寺丞寓蕭山因家焉孝伯登進士仕至同知樞密院事嘉泰四年進叅知政事尋罷歸時韓侂胄方嚴偽學之禁貶斥正人無虛日孝伯謂侂胄曰不弛黨禁恐後不免報復之禍侂胄然之自是黨禁浸解正人始有所容

言通

兩浙名賢錄字宗文本吳人文學子游之裔咸淳二年以敷文閣學士知紹興悅其山水之秀遂卜

居北鄉子孫
遂為山陰人

王銍

兩浙名賢錄字性之汝陰人寓居剡中善屬文不
樂仕進讀書五行俱下藏書滿架既卒秦檜子熹
屬部將索所藏書許官其子銍子泣拒之
曰願守此書以死不願官也熹竟不能奪

元

幹勒海壽

萬曆紹興府志字允常河南人後家山陰剛
正有志節拜監察御史劾奏殿中侍御史合
麻及其弟雪雪罪惡直聲
震中外官至浙東廉訪使

貢性之

江南通志字友初師秦之子明初徵錄師秦後
有以性之薦者性之改名悅避居會稽耕漁自
給邑人芮麟嘗遇之邀與俱歸辭以詩云遊絲落絮
都成恨社燕秋鴻各自飛既卒門人私諡之曰貞晦

生先

鐳渙

列朝詩集字彥亨號石田世家維揚後為越人通
毛氏詩至正間御史林與薦為三茅書院山長道
梗不赴老以詩酒自娛
子績孫師邵皆有才名

戴時才

兩浙名賢錄字仲文鄱陽人至正間薄遊兩淮
買舟南下渡錢塘觀香濤直抵蕭山探五洩之
奇遂忘身世竟卜居湖湖之濱以
登涉吟咏自娛人稱為南坡老人

明

邵伯正

兩浙名賢錄字人洪武初徙家嵯縣由鄉舉為
南京戶部員外郎以廉能稱尋有令江浙人不
得官戶部遂謝事歸杜門好書善教
族明宗纂叙圖系列俗為之歸厚云

高啟

紹興府志字季迪姑蘇人為吳下詩宗元季避
地蕭山後還姑蘇其詩文有雷鳴槎軒等集
會稽縣志南康人以貢起家歷官四川叅政清勁

蔡運

直諫不諂於俗罷歸壬午靖難後雜髮為僧至會
稽雲門寺寓焉紹興府志寓雲門寺不言其由每從
一童子攜茗具筆牀泛舟四遊賦詩滿袖歸則焚之
不置
一字

耶溪樵者

會稽縣志永樂初一樵者寓耶溪日鬻薪兩束食足則已食已往畫詩溪沙上畫已輒亂

其詩人怪之表忠錄名廖平襄陽人建文時官兵部侍郎

黃省曾

名山藏字勉之吳人以詩經魁南都舉進士不第遂棄去自號五岳山人是時王守仁講學越

中省曾遊餘姚執贊道席每班坐請疑問至即答無不洞中生平不樂組綬杜門著書海內名者若李夢

陽康海王廷相楊一清霍韜輩或以翰札見知或以經濟加器聲噪一時

高弘圖

會稽縣志山東人萬曆戊戌進士講學東林寓居會稽明末絕粒死

姜琛

會稽縣志字如農山東萊陽人崇禎辛未進士屢遷吏部給事中時內豎指斥東林倪元璐等琛奏

是小人傾陷君子帝大怒予杖劉宗周疏救謫戌邊海赦歸同弟垓奉母寓會稽章問家曲盡孝養

國朝

王正中

餘姚縣志字仲擢保定人崇禎丁丑進士知餘姚因家焉正中不事文彩好讀實用之書從閩

人柯仲炯受天官之學談之往往有驗

蔣平階

紹興府志字大鴻華亭人明末華亭夏允彝清浦陳子龍主幾社見平階大驚亟邀入社後服

黃冠假青鳥之術東至齊魯登泰岱謁孔林轉徙吳越間樂會稽山水遂家焉詩文詳贍典麗以西京盛

唐為要歸於書博覽洞究無遺著書十餘種卷以百計歿葬若耶樵風涇

台州府

晉

李嶽

世說字宗子江夏鍾武人清貞有遠操少羸病不肯婚宦居在臨海住兄侍中墓下既有高名王丞

相欲招禮之辟為府掾嶽得賤命笑曰茂弘乃復以一爵加人湖廣通志嶽好學善草隸足疾不能行常

仰臥彈琴讀書不輟

江道

晉書本傳字道載陳留圉人避蘇峻之亂屏居臨海剪茅結宇耽翫載籍有終焉之志中軍將軍殷

浩將謀北伐請為諮議參軍甚重之遷長史甚為匡
弼之益軍中書檄皆以委道及桓溫奏廢浩佐吏道
遂免昇平中遷吏部郎兼侍中累讓不許道在職多
所匡諫著阮籍序贊逸士箴及詩賦奏議數十篇行
於世子蔚
吳興太守

南北朝

庾肩吾

兩浙名賢錄新野人南齊庾信之父隱居天台
信畱周歲雖致通顯每多鄉關之思故作哀江
南賦以致其意有云少微真人天台逸民階庭空谷
門巷蒲輪移談講樹就簡書筠降生世德載誕貞臣
文詞高於甲觀模楷
盛於漳濱蓋頌父也

王元規

南史本傳字正範太原晉陽人八歲而孤隨母
依舅氏往臨海郡性孝事母甚謹晨昏未嘗離
左右時山陰縣有暴水漂流居宅元規惟有一小船
倉卒引其母妹并姑姪入船元規自執檝棹而去畱
其男女三人閣於樹杪及水退俱獲全時人稱其至
行仕梁位中軍陳天嘉中領國子助教入隋卒於秦

王府東
閣祭酒

唐

王展

天台方外志不知何許人寓天台項斯有懷王
展詩云赤城山下路無計得相隨嘗撰白郎巖記
謹按天台方外志寓賢中載唐周朴泉州人寓天台
死黃巢之亂查全唐詩錄朴吳興人避地福州黃巢
寇閩欲降之不從遂見害是朴本浙人流寓閩
中非閩人寓浙也舊通志作周弁更謬今刪

曹唐

全唐詩錄傳字堯賓梓州人天台方外志寓天
台以能詩名後為相從事賦桃源詩贈炙人口

任藩

書目解題藩或作翻客居天台有宿恰
幘山絕句為人所稱今城中巾子山也

宋

呂頤浩

傳詳名宦赤城志頤浩其先
樂陵人建炎四年寓臨海

韓昭

赤城志字用晦真定人丞相縝之曾孫官至直顯
謨閣自號大同居士紹興初避地仙居仙居縣志

昭隱於安州山

陳與義

宋史本傳字去非洛陽人登政和三年上舍甲科紹興元年知湖州七年參知政事上曰今梓

官與太后湖聖皆未還若不與金議和則無可還之理與義曰若和議成豈不賢於用兵萬一無成則用兵必不免從帝如建康明年扈蹕還臨安復知湖州遂請開提舉臨安洞霄宮卒與義長於詩體物寓興清遠紆餘上下陶謝韋柳之間嘗賦墨梅徽宗嘉賞之以是受知方輿勝覽號簡齋建炎中避地臨海

陳瓘

宋史本傳字瑩中南劍州沙縣人中甲科調湖州掌書記簽書越州判官通判明州徽宗卽位召爲

右正言左司諫極論蔡卞章惇安惇邢恕之罪遷右司員外郎崇寧中除名瓘嘗著尊堯集謂紹聖史官專據王安石日錄改修神宗史變亂是非不可傳信深明誣妄以正君臣之義張商英爲相取其書既上而商英罷徙台州在台五年乃得自便宣和六年卒高宗謂輔臣曰陳瓘昔爲諫官甚有謹議所著尊堯集明君臣之大分合於易天尊地卑及春正之法宜特賜諡以表之諡曰忠肅

蔡崇禮

傳詳名宦奇友錄崇禮退居台州賓客一介士亦厚禮之故家子弟淪落者推橐余以濟之

范宗尹

宋史本傳字覺民襄陽鄧城人宣和三年進士建炎元年召爲中書舍人遷御史中丞拜參知

政事呂頤浩罷相宗尹攝其位時年三十宰相年少未有如宗尹者秦檜擠宗尹遂落職未幾命知溫州退居天台

汪藻

傳詳名宦天台縣志建炎中避地居台有道中詩浮溪集

胡世將

宋史本傳字承公常州晉陵人登崇寧五年進士臨海縣志嘗爲兵部侍郎建炎中謫居台州

題名巾子山及游天柱寺有詩官終資政殿學士

許仁

天台縣志字性初鉅野人從楊龜山遊登宣和何

請大夫集英殿修撰知臨安府疏劾黃潛善汪伯彥直道不容於朝因借修武郎趙士侗遊台山下居於邑之墨湖建思敬堂金波亭所著有靈溪新紀編及奏疏若干卷

馮原

台州府志河間人祖寶以武德大夫從高宗南渡父安國以蔭歷官浙東觀察使巡視松門市舶卒

於台賜葬赤城山原為機宜文字官家臨海之長樂鄉

李龜朋

赤城志字才翁長安人與兄龜年齊名中特科監南岳廟紹興末寓居臨海

郭仲苟

赤城志字傳師洛陽人官至太尉慶遠軍節度使殿前都指揮使紹興中流寓臨海

李擢

赤城志字德升奉符人元符三年中第官至禮部尚書徽猷閣直學士紹興初寓臨海

翟汝文

傳詳名宦臨海縣志紹興二年與其子者年偕來寓兜率寺有丹陽集行於世

賀允中

赤城志字子忱上蔡人歷資政殿大學士參知政事紹興初寓居天台萬年寺後徙臨海有應

心泉記墓在天台縣一都

張師正

赤城志字子正大梁人宣和間官至都統制紹興中家於台

蔡向

赤城志字瞻明東平人挺之孫紹興初提舉本路常平因寓臨海自號淨空居士有繪水集藏於家

姜詵

赤城志字廷言長山人官至寶文閣直學士大夫贈少師紹興中寓居臨海子處度知惠州孫

注大理丞

成大亨

台州府志字正仲河間人元符二年中第官至左朝請大夫直祕閣紹興初寓天台

桑莊

赤城志字公肅高郵人知柳州紹興初寓天台曾幾志其墓有茹芝膏覽三百卷藏於家子世昌自

號莫莽有文集三十卷

曹勛

台州府志字公顯陽翟人宣和五年賜甲科以武義大夫從徽宗北遷過河奉徽宗御衣書自燕山

間行詣康王高宗泣以示輔臣勛建議募死士航海人金奉徽宗由海道歸執政難之出勛於外兩赴金

國正使何鑄伏地不能言勛反覆開論金主首肯以梓宮及太后歸孝宗朝加太尉贈太師葬臨海顯恩

寺北嘉靖浙江通志紹興中寓天台子

于恕

太平縣志字忠甫諸城人紹興中以父定遠為州知官寓居邑之桃夏中特科歷官靖安尉昌國簿

受學於張九成九成請領表恕襲
糧從之尤豪於詩有文集數十卷

林景憲文獻通考東魯林景獻初寓吳興從徐度敦立
游後為參政賀允中子忱孫壻寓臨海為人高

尚詩清澹五言四韻古句尤佳逼陶
謝梁溪尤延之誠齊揚廷秀為之序

謹按赤城志作林憲舊浙江
通志作林憲章未詳孰是

楊棟宋史本傳字元極眉州青城人紹定二年進士第
授秘書省正字擢太子詹事兼修國史實錄拜

參知政事台州守王華甫建上蔡書院言於朝乞棟
為山主詔從之因卜居於台尋奉祠以資政殿大學

士充萬壽觀使所著
有崇道集平舟文集

謝伋黃巖縣志字景思上蔡人參政克家之子官至太
常少卿紹興初侍父寓居靈石後寓三童號葑寮

居士有文集葉水心為序初秦檜罷御批云秦檜不
知治體信任匪人人心大搖怨讟載路後檜復柄

其在汲所有吉下台州追索擇酷吏劉景為守此
日即遣吏追逮伋自分必死將抵郡城坐舟中

景郊迎相見執禮甚恭蓋景已得
檜計矣踰旬日伋拜處州之命

楊揆黃巖縣志字子才真定人守楚州日秦檜初自余
還泛海至楚揆疑其詐欲斬之所親者謂曰萬一

果然朝廷知之非便不若津遣赴行在真偽自辨矣
於是遣人陰加防護送至會稽檜既相揆屏跡黃巖

踰二十年檜死高宗記其姓名
名為工部侍郎敷文閣待制

陳良弼太平縣志字希說祥符人以父繹恩補內黃門
事宣和五年提舉京城增修城濠賜玉帶銀絹

高宗於南都正位奔赴行在除寶慶承宣使尋致仕
買舟順流而下抵邑境居焉卒贈平信軍節度使謚

忠簡葬慶恩
寺東有石碑

洪擬傳詳名宦寧海縣志靖康間避
地寧海遂家焉卒葬縣北項舉

趙不柔天台縣志字正之開封人安康郡王士說之子
悼其父死靖康之難不樂仕進秦檜當國招之

不出官至承事郎通判潮州紹興初避地於台孫汝
遇淳熙十四年中第知吉州汝适慶元二年中第提

舉福建市舶
後徙臨海

李彙 天台縣志字推之覃懷人紹興九年
通判州事寓家於台官至朝議大夫

范開 台州府志字宣之河陽人爲洪邁
辛棄疾所器重嘉定中寓居於台

元 卜元吉 台州府志河西唐元氏寓天台鄉
試副榜任慶元路翁洲書院山長

明 東湖樵夫 臨海縣志不知姓名草除間採樵東湖上負
薪入市口不二價成祖登極詔至臨海樵夫

遂投湖中而死後人
立亭湖上以祀之

陸修正 黃巖縣志號草屋吳郡人寓居盤馬善
屬文時人稱爲草屋先生有文集行世


王顯 方孝孺漁溪子傳號漁溪子江寧人少脫畧不拘
讀書不肯事帖括嘗游寓天台與林右張穀最善

右善擊劍長於爲文轂放於歌詩二人皆自負一世
顯嘗釣海濱望見二人踞坐大笑二人者知其非庸
人也卽與之語大驚異相辨難上下古今事折衷損
益根據理道識者知其非狂生或又疑其爲神仙中
人云

王彝 列朝詩集傳字常宗其先蜀人父官崑山教授名
修元史賜金幣以母老乞歸彝少孤貧讀書天台
山中師事王真文得蘭溪金文安之傳學
有端緒嘗著論力詆楊廉夫有三近齋稿

范用修 仙居縣志滇人舉孝廉將試春官會父以非罪
見斥因不果北上窮山海披霜露崎嶇險阻越
數載方遣父屍歸葬應司寇容菴見其孝以女姪妻
之爲卜築麻姑山麓挈家居焉善畫人得其片紙珍
若拱璧

孫震 台州府志字魯山桐城人由進士累官兵部尙書
明末避地仙居二都方宅後復移寓一都安寧有
烟霞皆物外雞
犬卽仙家之句



孫鼎徵

臨海縣志字調宰號柳漁松江人崇禎時避居臨海能詩善畫有二子任安任昌皆以翰墨名

金華府

漢

文臺

名勝志字高明嘗討赤眉還誅新莽功成造鐵船遊東海見石帆於永嘉徧歷名山而歿於婺今白沙村有昭利

王廟即此

晉

江惇

晉書本傳字思俊陳畱園人孝友淳粹高節邁俗性好學每以爲君子立行應依禮而動雖隱顯殊迹未有不傍禮教者也若乃放達不羈以肆縱爲貴者非但動違禮法亦道之所棄乃著通道崇檢論世咸稱之蘇峻之亂避地東陽山太尉郗鑒檄爲兖州治中征西將軍庾亮請爲儒林將軍皆不就邑里宗其道有事必諮而後行東陽太守阮裕深相欽重養志二十餘年永和九年卒

朱汎

明一統志沛國朱雲之後永興中爲臨海太守政聲秩滿居浦墟村遂爲義烏人萬曆義烏縣志字孝祥曾孫幼揚州刺史治揚有功

南北朝

匡昕

南史本傳字令先廬陵人有至性隱金華山服食不與俗人交母病亡已經日昕奔還號叫母即蘇人以為孝感所致

劉峻

梁書本傳字孝標平原人好學家貧讀書終夜不寐清河崔慰祖謂之書淫天監初召入西省典校祕書安成王秀引爲戶曹叅軍給其書籍使鈔錄事類名曰類苑未及成以疾去因遊東陽紫陽巖築室居焉爲山栖志其文甚美普通二年卒諡曰元靖先生

顧野王

陳書本傳字希馮吳郡吳人幼好學七歲讀五經知大旨九歲能屬文長而徧觀經史天文地理無所不通梁大同四年除太學博士侯景之亂丁父憂歸乃召募鄉黨數百人隨義軍援京師體素清

羸又居喪過毀殆不勝衣乃杖屨披甲陳君臣之義
逆順之理抗辭作色見者莫不壯之逃會稽尋往東
陽與劉福義合軍據城拒賊侯景平太尉王僧辯深
嘉之陳天嘉元年補撰史學士太建六年除太子率
更令時濟陽江總吳國陸瓊北地傅緯
吳興姚察並以才學顯著論者推重焉

唐

韋莊

字端己京兆杜陵人見素之孫乾寧進士授
校書郎避亂客婺有和陸諫議懷山居詩曰望闕
路仍遠子牟魂欲飛道開燒藥鼎僧寄臥雲衣故
國饒芳草他山挂夕暉東陽雖勝地王粲奈思歸

五代

蔣勛

十國春秋晉吳郡太守樞之後唐末避地婺州之
東陽仕至金紫光祿大夫檢校司空兼御史大夫
遂家焉

宋

王彥超

兩浙名賢錄臨清人徙居義烏之鳳林
唐歷晉至周顯德中累官永興軍節度使
翔宋初與太祖有舊遷為右金吾衛上將軍判街仗
事初彥超自節鎮來朝與郭從義等侍宴太祖從容
謂曰卿等皆國家舊臣久離劇鎮非朕所以
優賢之意彥超知旨即日解官時議許之

周常

宋史本傳字仲修建州人進士第徽宗召為國
子祭酒遷中書舍人禮部侍郎蔡京用事不能容
以寶文閣待制知湖州尋奪職居婺州

楊時

傳詳名宦舊志紹興間寓金華潘默成從
之遊時王師愈方幼穎悟默成攜見龜山出論語
侍相示師愈拜而受之

呂弼中

嘉靖金華志夷簡五世孫父好問尚書右丞
弼中隨高宗南渡始居婺州子祖謙生於桂林
甥館其學本之家庭得中原文獻之傳

蘇暹

金華賢達傳字伯克眉山人轍長子建炎二年以
右朝請大夫直祕閣知婺州奏減稅額父老為立

生祠因家焉卒葬蘭溪靈洞後
贈少傅婆之蘇氏始此子簡策

鄭淮 浦陽人物記白麟十九世孫其先居滎陽遷浦陽
遂為浦陽感德人孫綺字宗文事父母至孝厥後

子孫同居六
世歷二百年

傅雱 浦陽人物記世居汴父大理評事瑄攜雱遷浦陽
之感德雱多膽畧與李綱宗澤遊建炎元年遣雱

為祈請使高宗命李綱草二帝表付雱以行獻二帝
衣各一襲雱與王倫俱畱金軍久之全節以歸官至

工部
侍郎

賈廷佐 兩浙名賢錄字子野真定人剛毅有大節宣和
二年入太學隨父淵扈蹕南渡遂家東陽登紹

興二年進士授桐廬簿時金遣張通古偕王倫南來
以詔諭江南為名廷佐一再上書累千餘言劇論讐
恥之不可忘名分之二不可貶和約之不可信請誅王
倫決意用兵以圖恢復辭旨剴切累官大理司直出
知處州致仕所著有善
知處州致仕所著有善
知處州致仕所著有善

柳森 浦陽人物記河東人建炎中艾鑄始從趙林自
遷杭森又自杭遷浦陽烏蜀山森子金擢咸淳

年進士為高郵令宋季城寶山民倡亂大金所居官
欲盡斬之金惻然曰此豈其本心哉第為饑寒所驅

爾乃白戮其魁餘悉縱不問
眾感金造室廬還之生子貫

鞏庭芝 正德武義縣志字德秀東平須城人建炎間遷
居武義人號山堂先生登紹興八年進士第授

建德主簿改秩知諸暨縣管學道觀陞太平錄事
參軍嘗受業於劉元城先生之門以道學倡武義武

義人士知尚理義之學自廷芝
始隆興二年卒贈大中大夫

趙相 名勝志洛陽人紹興間帥廬州死於
鄭瓊之難子孫居廬州廬州死於

王渙之 明一統志大名人艾長儒紹興間知永康因家
焉又徙武義渙之文穎悟能文嘗作王氏叙傳

馬任仲 明一統志建陽人從朱文公游紹興間中進士
乙科寓居東陽歷官州縣以廉能見稱所著有

奏議雜著
得齋集

陸九齡

宋史本傳字子壽居撫州之金谿幼穎悟端重稍長補郡學弟子員時秦檜當國無道程氏學者九齡獨尊其說登乾道五年進士第調桂陽軍教授改與國軍地濱大江俗儉嗇而鮮知學九齡不以

職間自佚益嚴規矩肅衣冠如臨大衆勸綏引翼士類興起調全州教授未上得疾卒九齡治家有法閨門之內儼在朝廷而忠敬樂易鄉人化之皆遜弟焉與弟九淵相為師友學者號二陸舊浙江通志乾道九年八月來婺與東萊相會同觀實錄淳熙六年復來東萊東考亭日子壽前經過畱此二十餘日幡然以鷺湖前見為非甚欲著實看書講論心平氣下相識中甚難得也

陸九淵

宋史本傳字子靜乾道八年進士除將作監丞主管台州崇道觀每開席講戶外屢滿耆老扶

杖觀聽自號象山翁學者稱象山先生嘗與朱熹會鷺湖論辨所學多不合及熹守南康九淵訪之熹與至白鹿洞九淵為講君子小人喻義利一章聽者至有泣下熹以為切中學者隱微深錮之病門人楊簡袁燮舒璘沈煥能傳其學云舊浙江通志淳熙元年來婺東萊自三衢歸相會時東萊與汪應辰書云陸

君相聚五六月淳篤敬直流輩中少見其比

楊與立

正德蘭谿縣志字子權浦城人受業朱子之門嘗知處州遂昌縣因家於蘭溪以道淑人學者

多宗之稱為船山先生所著有朱子語畧十二卷

王德良

宋濂王秉彝傳字秉彝和州人鉤經索史智識過人間徜徉山水見巖姿川容網緼獻狀情思

熒熒然曰精聚神會吾始與之無間豈古人所謂烟霞痼疾也耶勸之仕笑不答僑居金華建藥區市中蓄善藥以賑人急甚貧者不受其直由是樂善之稱聞四方秉彝曰是善名我遂以榜其堂

明

李暉

獻徵錄字宗表其先封邱人有諱初者從宋南遷遂居錢塘其占籍金華之永康則自暉始暉少從

鄉里師口占詩能作驚人語往從永嘉鄭公僖學浙西憲副以茂才異等薦常山教諭包山書院山長皆弗就翔翔東陽永嘉二邑間陳世恭迎館於家士多敬愛之著書賦詩若將終老洪武初蒐訪遺逸有司

首以畢貢補國子助教日從其長設為教條以責成效未及考竟以疾免踰年還永康天性孝友奉母備至客於外月不見母必歸省有異味必以遺母在浙東時兄病疫得書倉皇戒行李至則兄病已危瞪目視畢指取計簿并篋笥鑄器藏之畢不避疫染百端營救而愈悉還其兄前所付博覽強記為文蒼勁詩緣情措事不煩雕刻有草閣集

性天然

七修類稿永樂初有自稱性天然者寓金華東陽縣東山儀容俊偉識趣超卓惟披麻戴笠不

服常服盤桓於山南村落間與之游飲者每得其詩畫將死囑主人曰歛吾懸於林木足矣主人卒葬之其邑里姓名終莫知之嘗見其歌及稱王姓者曰宗兄是必王其姓而建文朝之人也或又號玉華山樵

國朝

沈壽民

金華府志字眉生宣城人為諸生有聲崇禎九年行保舉法巡撫張國維以壽民應詔入都抗

疏論本兵楊嗣昌及總督熊文燦不報由是名動天下未幾移疾歸講學姑山攜家寓金華蘭谿武義諸

邑山中隱居著述窮餓終身門人私謚曰貞文先生有閑道錄姑山文集諸書行世

衢州府

晉

殷浩

晉書本傳字深源陳郡長平人識度清遠弱冠有美名尤善立言與叔父融俱好老易融與浩口談

則辭屈由是為風流談論者所宗三府辟皆不就於時擬之管葛王濛謝尚知浩有確然之志相謂曰深源不起當如蒼生何建元初衛將軍褚裒薦浩徵為建武將軍揚州刺史時桓溫既滅蜀威勢轉振朝廷憚之以浩有盛名朝野推服故引為心膂以抗溫為是與溫頗相疑貳遭父憂去職服闋復為建武將軍揚州刺史遂參綜朝權以中原為已任上疏北征許洛將發墜馬時咸惡之既而桓溫聞其敗上疏罪浩竟坐廢為庶人徙於東陽之信安縣浩少與溫齊名而每心競溫嘗問浩君何如我浩曰我與君周旋久寧作我也浩雖被黜放口無怨言但終日書空作咄咄怪事四字而已永和十二年卒咸安初故吏顧悅

之上疏訟浩追復本官元豐九域志衢州信安軍有殿浩宅土人號曰殿牆

陳弘衢州府志字伯猷閩中人有勇畧喜讀書初依晉益州刺史王濬擢參謀太康元年濬克西陵荆門

彝道諸州自武昌抵建業所向克捷弘實左右之時鮮卑餘孽趙峻沿嶽甚弘率輕騎襲擒之黠黨皆懾

伏上嘉其績特授呼嶸鎮總管封信安侯食邑三百戶遂家於信安年九十薨洪武初以護國著靈異加

贈寧邦感應侯更新祠宇以時享之

唐

周美

正德江山縣志字元善淮右陸安里人為衢州刺史愛須江土沃民淳山水佳勝乃卜居江山家焉

析子孫為五坦口新坦同坦學坦麗坦平坦

汪處崇

龍游縣志徽州人越國公華之孫尉龍游遂家於團石世稱汪家灘有汪侯墓

五代

吳祐孚

常山縣志字齡交饒州人進士清泰二年守書兼御史中丞元世孫嘉進為江山教諭遷居松峰

守汀州周廣順三年任銀青光祿大夫檢校工部尚

詹從効

常山縣志字堯臣以字行南陽人為錢王鏐之黨逐劉浩執薛朗皆堯臣功居多鏐建功臣堂立

碑紀功堯臣與焉梁太祖即位封鏐吳越王堯臣亦

進節度副使閩中亂遣堯臣領兵至常山草萍地鎮

守後乞骸定居八都形舊莊卒追封鎮東軍節度使開府儀同三司檢校太師鄂國公諡曰恭

宋

王仁裕

衢州府志字德輦汴人晉翰林學士入周為左僕射加太子太保宋興棄官來信安隱居穆陵

號穆陵居士著西江集行世

吾渭

衢州府志字清源姑蘇人多謀善斷曹彬下江南辟為參謀南唐既平進官都督授三衢守遂家焉

子淵居西安
滿居開化

樊清常山縣志字從源南陽人元祐八年以薦授中書
舍人尋拜翰林學士尚書右丞屢抗疏以禪時政

南渡後居常山之巖石子盤孫
游俱登第曾孫充駙馬都尉

趙鼎傳詳名宦兩浙名賢錄聞喜人高宗
即位除權戶部員外郎遂卜居衢州

趙令矜弘治衢州府志字表之太祖裔孫大觀三年賜
上舍出身高宗中興除都官郎因上章請張浚

罷居衢州未幾復官襲封安定郡王尋奉祠
歸孝宗親麗宸翰以寵其行號超然居士

胡正衢州府志歙縣人仕至兵部尚書靖康中
避亂來常邑卒葬郭山所居今名胡村

孔端友兩浙名賢錄曲阜裔建炎初襲封扈瑋南渡因
家廟賜田五頃以奉蒸嘗從弟傳字世文御史中

丞道輔之後與玠同至衢後守瀋川時建昌軍亦累
招降皆不受必欲見傳為信傳挺然往諭叛兵以平

凡南渡後廟學皆傳所請所著有續自氏六帖續尹

植文樞紀要東家雜紀杉溪
集及道輔擊蛇笏藏於家

魏石宋史本傳字邦達和州歷陽人唐丞相知古後宣
和二年上舍及第官至建炎元年知常山縣

四年改衢州管内樞幹辦公事尋被召極言時政秦
檜用事士大夫少失其意禍輒不測石終不少貶奉

祠凡四任寓常山僧舍蕭然一室自奉雖薄而氣體
甚充也紹興二十一年母憂卒於喪次子三欽承

欽緒欽弼俱登第今子孫散居常山及西
安凡五族惟開化姓其文物尤世其家

馬伸兩浙名賢錄東平人進士歷官左司諫有
直聲隨高宗南渡家衢州疏劾黃潛善汪伯

彥用奸誤國責監濮州酒稅死道中後胡
安國訟其寃請官其子孫以旌直臣不報

徐大興弘治衢州府志洛陽人父幸隆仕河南節度使
時金人長驅入淮郡縣望風奔潰幸隆率河陽

兵拒死朝廷旌其忠大興守衢廉謹節概有幸降遺
風尋奉父遺骸葬於常山之護國寺山遂解政家於

常立祠於寺
子孫世祀焉

曾林

七年知興化府金人陷燕山諱帥守各募敢死士入援林率先諸郡以獻謨閣學士致仕林祖平嘗為衢之判官因家焉有內外制文集東宮日記弟開字天游登進士第權直學士院出知婺州羅汝楫謂開嘗阻和議遂落職寓衢十三年端居簡出類山林枯槁之士有內

周大憲

衢州府志字用章敦頤裔道州人宋南渡來衢見常山入都彤舊山奇秀遂家焉子旦五經博士達進士子孫分居東門大街餘遷江山濟寧永豐

徐雲翔

常山縣志字允升泮人南渡遷臨安雲翔從呂祖謙周必大游擢進士第授衢州路西安令悅衢風士遂遷居常山

蔣羽

江山縣志字汝翔家世居吳高宗朝舉賢良辭不就訪酬和因見須江山水清遂占籍文明坊

汪應辰

傳詳名宦宋史本傳請祠歸寓居常山之永年院

趙子畫

宋史本傳字叔問燕王五世孫少警敏強記工書翰宣和初充詳定九域圖志編修官詔為刑部員外郎以憂去建炎四年遷吏部員外郎尚書左司員外郎試太常少卿集太常因革禮八十篇為二十七卷上言復春分祀高禘禮除權禮部侍郎遷徽猷閣直學士知秀州既而奉祠以歸寓於衢

范冲

兩浙名賢錄字元長祖禹長子建炎四年守衢因請祠與趙丞相鼎同居高宗以神哲兩朝錄多失實召冲為宗正少卿兼直史館冲遂盡削蔡京蔡卞所增宣仁太后誣謗事又極言王安石變法度之非蔡京誤國之罪上嘉納之書成遷起居郎兼侍讀改翰林侍讀學士未幾坐與趙鼎有連奪職歸

馬希言

西安縣志濮州鄆城人唐馬周後高祖給事應圖與從父諫議仲皆以節義著南渡後希言為

少卿寫

華仁祖

衢州府志延陵人父為黃門侍郎以沮和議忤秦檜落職知饒州卒於官仁祖扶柩至衢隱居

坊修新工道志 卷一百九十五 寓賢下 三

城西黃茶後子
孫遷居常山

任古

弘治衢州府志字信儒世居濟寧建炎初登第紹興間宰甌寧以母憂歸過衢因卜葬焉廬墓終喪

除監察御史有拙齋遺稿三卷

何若

弘治衢州府志字任叟建康人弱冠登第擢御史除簽書樞密院事以疾奉祠家於衢所著有尚書春秋講義漢唐史評風山集

邵知柔

福建通志字民望政和人進士兩浙名賢錄紹興間歷官國子祭酒以直龍圖閣奉祠寓西安

韓公喬

弘治衢州府志字子辰家本開封為康邸舍人積功遷岳陽軍節度使先是史館修日曆凡藩

城東之菱塘舍側有古木輪囷離奇臥塘上知柔因繫小舟扁曰野航日夕吟咏其中題其詩曰野航集

秦階

遺史官揚愿質之所記皆實檜欲賞公喬會除保軍承使檜疑其舍己而自求於上使言者論公

洪邁

其墓

張翥

弘治衢州府志字仲思南京人登進士第建炎初守昭武金遣使約翥降附翥怒亟斬之先是翥子

譚惟寅

尚友錄字子欽高要人紹興中登進士第官至浙西憲府讀書一覽終身不忘嘗寓衢州祥符寺借燭閱碑不得遂以手摸之

李處全

江山縣志字粹伯洛陽人能文終侍御史弟處勵守衢州時處全寓須江仙居僧舍擇林壑之勝與弟

趙希綰

萬曆龍游縣志字人部郎中為和州防禦使居龍游四子與汶與潞與瀚與澧皆相繼登上第御賜其居曰傳芳堂

同家焉

勝與弟

同家焉

同家焉

同家焉

同家焉

同家焉

同家焉

徐士安 衢州府志字公輔長沙人乾道進士合江山有政聲晚致政愛江俗朴茂遂占籍邑之南門

徐國鎮 常山縣志字定夫靈山人希賢六世孫封于戶侯率兵捍寇雄傑軼倫輩理宗末棄職攜家居

常山之十都馬路隴疾革命以戈甲從瘞表厥志子孫徙居彤弓山

元

左宗海 衢州府志字百會東萊人至正間孝廉教諭西安作人造士諸門下依依不忍舍構廬設帳遂

居於衢子孫十數世皆敦詩說禮好施明季有都御史忠義節烈名懋第者即其族也

潘必卿 西安縣志字國相號南江豫章武寧人至正間以明經任衢州路教授嘗師事吳澄得程朱要

旨悉以所傳牘迪後學衢士婉留久寓以終教育性至孝迎父文江就養以衢俗淳厚遂治第孝義里因

占籍

岳弘 弘治衢州府志湯陰人武穆王九世孫元末任江

治十年參政周木檄縣求其後十三世孫奉祠焉仍給居室田土以優養之

明

徐恢 衢州府志字伯弘鄱陽人元末登進士授永新令時陳友諒攻南昌守將朱文正湯和嬰城固守明

太祖引兵來援強弱不敵人懷觀望恢知友諒必敗明祖當與會友諒徵糧郡縣虛糜守遣恢運納恢竟

以糧歸吳太祖大喜即軍中授都御史鄱陽之捷恢與有力焉累官戶部尚書勅賜開國元勳初僑寓杭

城六卿坊後遷常山左坑居焉

徐演 西安縣志字仲永福建人洪武鄉薦父宏明經舉任衢州教授道經浦城出江山鳳林鄉樂風俗淳

雅命演占籍焉演歷官助教翰林試楮先生傳進呈第一名特拜右春坊以疾告歸自江山遷西安繼芳

紹芳其裔也

袁敬所 明詩綜敬所不知其名靖難後流寓常山之松嶺酒酣書五柳圖詩有江右布商見之曰此吾

鄉某編修何為在此敬所趨掩其口不顧而去常山縣志敬所五柳圖詩云蔡杖芒屨白布裘山中甲子

自春秋呼兒檢點門前柳莫遣花飛過石頭

班琴正德江山縣志京兆人號南軒福建布政使占籍江山子平字李清官至河南參政

鄒璘江山縣志號復齋成都人崇禎庚辰進士任古田知縣調補餘杭有政聲擢刑部郎中遇闖亂流寓

國朝康熙王子鄉薦不食死子澄入籍登

國朝

王虎衢州府志字在山山東文登縣人隨其父壽明至衢標驍勇善騎射康熙十三年討耿逆屢著戰功

制府李之芳拔授衢左營千總委運軍糧又調集鄉勇練卒伍直逼賊壘晝夜攻守甚力及耿逆蕩平制

司上其功候陞補而卒贈守備虎處衢五十餘年雖起自戎行能以禮法範家戶庭肅然即比隣未嘗見

其詳聲

嚴州府

唐

喻鳧兩浙名賢錄南昌人開成中登進士第以詩名於時徙家睦州嘗與方干賦詩往還仕至烏程尉有

詩一卷行於世

五代

章仁肇兩浙名賢錄浦城人仕後周為檢校尚書工部侍郎兼耀武將軍有功於時廣順中徙居桐廬

安定鄉之宏石居仁行義鄉人敬服之宋季有名木者其裔孫也擅詩名號小客星有梅觀集今居梧村

者皆其流裔也

宋

余稠嚴州府志河間人仕吳越太傅建隆八年錢王俶歸宋稠輔以行太祖畱稠為睦州刺史因家於郡

之分陽數傳至誠一宋南渡為國子丞有異績著南

商瑗兩浙名賢錄其先汴人流寓西夏為都知兵馬使

嘉祐六年因奉使歸宋奏獻密事上嘉其忠賜地

於浙之淳安以居即今遼源之芝山

也子孫因家焉以蔭補官者三世

黃裳福建通志字冕仲南平人元豐五年對策第一政

和間為端明殿學士禮部侍郎遷尚書嚴陵志嘗

游桐廬讀書於浮橋之禪定院又寓居閬仙洞者十

餘載自號紫元翁舊時禪定院有紫元祠堂閬仙洞

有紫元菴皆祠裳也

江端友兩浙名賢錄字子我陳留人博學能詩與呂居

仁相倡和以元祐黨家居不仕亦不娶隱居封

邱門外靖康初丞相吳敏薦為承務郎諸王宮教授

上書辯宣仁誣謗被黜渡江寓居桐廬之蘆茨源自

號七里先生後為太常少卿所

著有七里先生自然菴集七卷

謹按江端友舊浙江

通志作汪端友悞

呂本中宋史本傳字居仁宰相公著之曾孫好問之子

遊紹興六年特賜進士出身擢起居舍人兼權中書

舍人七年上幸建康本中奏當先為恢復事業求人

才郵民隱講明法度詳審刑政開直言之路使人人

得以盡情然後練兵謀以增師上流固守淮甸使江

南先有不可動之勢又奏江左形勢如九江鄂渚荆

中與秦檜同為郎檜私有引用本中封還除日

檜風御史蕭振劾罷之提舉太平觀卒學者稱為東

萊先生嚴陵志本中河南人寓居桐廬之蘆茨源詩

學黃山谷而主於自然號彈丸法與江子我多唱和

嘗作西江傳衣詩派圖列陳無已而下二十五人為

法嗣謂皆出於山谷云卒諡文清所著有詩友淵源

錄春秋解童蒙

訓等書行於世

陳墳兩浙名賢錄字伯和陽翟人博學工詩南渡寓居

桐廬與滕岑相唱和岑盛稱之以為力追作者嘗

次岑韻山居詩云解組滄溟畔攜家紫翠間地臨雙

港勝天與兩年閑茅屋靜聞雨竹籬疎見山所慚隣

功參折工通志

卷一百一十五 寓賢下

舍老句險不容攀雙港者一名橫港
卽桐溪也以紹興進士終黔縣令

謝翺

宋濂謝翺傳字臯羽福之長溪人父鑰通春秋翺世其學試進士不中獨儻有大志會丞相文天祥

開府延平長揖軍門諮事參軍已後別去及天祥被執以死翺悲不能禁隻影行浙水東巖有子陵釣臺翺設天祥主再拜伏酌號動者三乃以竹如意擊石作楚歌招之歌闕竹石俱碎性嗜佳山水雁山鼎湖蛟門候濤沃洲天姥四明金華洞天搜奇挾秘卽著游錄游倦輒憩浦陽江源及睦之白雲村尋隱者方鳳吳思齊晝夜吟詩不自休至元甲午去家武林西湖上明年肺疾作瀕死屬其妻曰吾去鄉千里交游惟方韶卿吳子善最親慎收吾文及吾骨授之韶卿卽鳳子善卽思齊已而鳳等至瘞子陵臺南以文稿殉伐石表之曰粵謝翺墓無子其徒吳貴福之月泉書院所著手抄詩八卷雜文二十卷唐禘傳一卷陸州山水人物古蹟記一卷浦陽先民傳一卷天地集五卷東坡夜雨句圖一卷宋鏡歌鼓吹曲一卷南史補帝紀贊一卷楚詞芳草圖補一卷浙東西遊錄九卷

元

方回

元詩選傳字萬里別號虛谷歙縣人宋景定壬戌別省登第元時爲建德路總管尋罷徜徉杭睦間睨傲自高不修邊幅其自序桐江集云予自桐江官閒居萬事廢忘獨於讀書作詩未之或輟時年已六十餘矣嘗選唐宋以來近體詩評論之曰瀛奎律髓於情景虛實間三致意焉

明

王宗顯

傳詳名宦江南通志和州人元季避亂僑居嚴州

達兼善

遂安縣志西坡人元蘭臺御史洪武初欲復其官力辭就教因家於遂今治東南達家井其故

居也

許全

萬曆桐廬縣志丹徒人永樂間任縣尉操守不苟秩滿愛嚴陵風景因家焉子孫業儒不絕

楊漢

桐廬縣志雲南人由舉人正德十一年自金華改知桐廬忠誠篤厚不務時譽不妄興作及休致以

親老家遠遂寓桐入籍初至金華時過桐江誤落其冠至是僑寓始知先兆云

溫州府

晉

郭璞

溫州府志字景純弘農人嘗客甌為阡郡城有白鹿卿花之瑞故城名白鹿嘗謂九山象斗華蓋松臺郭公海壇四山為斗魁積穀巽吉仁王三山為斗杓黃土靈官二山為輔弼且云此去千年地氣始旺

唐

孟浩然

唐書本傳浩然襄陽人溫州府志常過東甌訪友張子容遊孤嶼有衆山遙對酒孤嶼共題詩之句又有樂成懷歸及別張子容詩謹按浩然集中又有宿天台桐柏觀宿桐廬江建德江及渡浙江耶溪泛舟諸作知其久客浙中遊歷殆遍不獨流連永嘉山水已也

崔道融

文獻通考自稱東甌散人著東浮集九卷乾寧乙卯永嘉山齋編成蓋避地於此者溫州府志

道融荆南人

五代

吳畦

瑞安縣志字禎祥登進士第歷官諫議大夫以諫舉兵討河東忤上意左遷潤州刺史時錢鏐與董昌爭郡欲劫以兵不屈夜率二弟侍父母避地安固庫村遂家焉後葬其地子孫繁衍散處甌括惟安固

盛為

宋

徐夔

秦順縣志閩甌寧人祥符癸丑廷試賦鑄鼎象物擢第一自甌寧入安固居睦源今為木棉村

呂夷簡

宋史本傳字坦夫壽州人進士及第補絳州軍事推官遷尙書祠部員外郎改起居舍人知制誥再遷刑部郎中權知開封府治嚴辦有聲仁宗即位以給事中參知政事上疏陳八事曰正朝綱塞邪

徑禁貨賂辨伎士絕女謁疎近習罷力役節冗費語甚切至進位司空以太尉致仕溫州府志夷簡常慕

東南山水佳勝寓雁山有淨明菴詩

馮成

兩浙名賢錄字熙績滑州人魯國公守信之孫建炎間扈駕至溫州遂居永嘉德政鄉岳飛數奇之

羅致幕中屢與兀术戰捷收復州縣每念魯公以必死報國高宗書嘉忠二字賜之遂以嘉忠名堂飛既

冤死成遂滅跡人間以琴書自娛號湖山居士

洪模

萬曆溫州府志丹陽人父擬知溫州有治劇才模歷官驃騎上將軍浙東宣慰使寓家於溫建總政

堂夢草堂

徐定

兩浙名賢錄字德操泉之晉江人釋褐調處州教授娶永嘉鮑氏因冢焉知邵武縣通判太平州擢

守潮州子幾字致中工詩世稱四靈其一也終長泰合孫似孫仕至浙東帥參宋末劉萬奴欲屠城似

孫力爭獲免鄉人德之

元

黃公望

輟耕錄字子久自號大癡又號一峯本姓陸世居常熟後寓永嘉黃氏博學強記畫山水宗帝

巨自成一家所作寫山水訣甚有理致人多效之卒未有得其彷彿者

馬德

樂清縣志原名驥字萬甫任縣簿時方國珍亂海上德以生民為慮輒戎服戒軍旅為固守計樂民

咸藉以安後以衰老謝事家於樂清葬丹霞山

李光

萬曆溫州府志字彥明貴溪人至正末官樂清量田

及溫郡又巡莆田掾樞府所至有績後以寇亂道梗即棄清家焉嘉靖間裔孫顯官至都御史

明

鄭善夫

國寶新編字繼之福州人仕至南京驗封郎中發情聲詩古色精言高映霞表好遊名山嘗寓

雁蕩峻陟冥搜都忘內顧與衢州方豪同好

文徵明

名山藏初名璧以字行更字徵仲長洲人父林為溫州太守文章政事有名於時徵明少從遊

林卒官溫人斂數百金為購徵明固謝不受溫吏士謂文氏父子皆能廉修故卻金亭以林配前守何文

淵徵明書畫名重一時以貢至京尚書李充嗣大學士劉忠交薦授翰林院待詔致仕歸

萬均佐

樂清縣志江西人官監察御史與樂清范霖同官相善因過訪見山川秀麗遂家焉荆室於縣

東堡其墓

在西祭山

顧錫疇

江南通志字九疇崑山人萬曆己未進士入翰林典福建試會政府以請託不從傳成其罪削

籍歸崇禎初召用歷陞至禮部尚書會父卒錫疇奔喪赴閩兵亂遇害葬溫州樂清縣志明末避地至甌

從台州來雁蕩低徊不去有咏懷留別詩

處州府

唐

李陽冰

傳詳名宦錄輔通志為縉雲令秩滿退居吏隱山

宋

周啟明

宋史本傳字昭回金陵人占籍處州四舉進士皆第一景德中舉賢良方正科既召會東封泰

山言者謂此科本因災異求直言非太平事遂報罷歸教弟子百餘人不復有仕進意仁宗即位除試助

教遷祕書郎改太常丞啟明篤學藏書數千卷多手自傳寫而能口誦之有古律詩賦牋啟雜文千六百

餘篇

趙希懌

宋史本傳字伯和燕王八世孫崇禎處州府志寓居青田登淳熙進士守信州諸邑積逋數萬

悉蠲之郡計亦無缺提舉江西歲飢賑濟給憑令民就糴歷官至端明殿學士昭信軍節度使開府儀同

三司贈少保追封成國公諡正惠生平茹蔬施藥凡可以濟人利物靡不為子與篋與慙皆貴顯與

愿寧宗召入宮賜名曦封榮王開禧三年立為太子改名詢寓居縣百步新市巷及召入迎以寶幢導出

此街因名寶幢街

洪煥

縉雲縣志饒州鄱陽人适之子淳熙間任處州僉判因家於縉雲百岡山中誅茅縛屋翛然自放工詩文淹雅詳核

克繼祖父之風

鄒應龍

崇禎處州府志福建邵武人慶元丙辰廷試第一累官至叅知政事先試禮部日麗水葉挺充考試官應龍實挺取中又娶挺之女因家麗水人名其所居之里曰德星里

元

李德大

縉雲縣志唐令李陽冰之裔至正間授縉雲美化書院山長踏窪樽手澤遂結廬山麓

扶長卿

縉雲縣志揚州人元末仕縉雲典史有政聲秩滿遂居邑之廻石

明

朱成遠

括蒼彙紀宜春人洪武間知縉雲操持幹濟負人表善詞翰授以禮賢士以詢民瘼罷官後僑

寓邑城好植花木人以潘安仁擬之

周顥

慶元縣志字仲昭山西澤州人永樂十八年由太學授慶元縣丞歷九載清勤慈惠秩滿不樂仕進僑居邑城葬竹溪之原其子公榮因家焉


阮廷貴

慶元縣志四川永州人正統間由太學來丞慶元多惠政士民悅之遂家焉

雪溪漁父

青田縣志不知何許人獨擔囊至青田就村中沽酒囊出玉杯自飲問姓名不答但云雪溪漁父邑人陳中川邀至齋一飲數斗或終日不食見詩文輒為改竄又題所懸畫竹詞翰並妙後不知

所



勅修浙江通志卷一百九十五

天保製

